

PHALAPHALA INEA

MUBVUMO USI NA VHUTANZI

 Ndi a livhuwa nga maanda, Mukomana Demos. Ndi u tondwa huhulu u vha hafha kha heyi khuvhangano ya Vhakriste madekwana a ɿamusi, fhasi hafha kha heli shango la muxwatu. Huno ndo founela hayani, tshifhinganyana tsho fhiraho, huno hu khou fhasi lwa digirii dza fumbili, n̄tha ngei Devhula, u fhira zwine zwa vha zwone fhasi hafha. Ngavhe ndi de nazwo na n̄ne. Ndi do ḥavhanya nda ya nda dovha nda vhuya murahu hafhu, nga u ḥavhanya. Zwimelwa zwothe zwi khou oma. Naa ni humbula mini nga izwo, Creechy? Ndi one...[Mukomana u ri, “Hu ya rothola.”—Mudz.] Zwa vhukuma ho ralo.

² Huno ndo takala nga maanda uri ndo ḥangana na havha vhafunzi vhavhuđi, madekwana a ɿamusi. Ndo vha ndi kha di tou bva u dzhena, nga tshikhathinyana. Ndi khou bva Tucson, hune ndo vha ndi tshi khou tea u ya ɿamusi. Ndo reila u tsa fhasi madekwe, huno nda dzhena nga hafu u bva kha ya vhuvhili matsheloni ano, fhasi Tucson. Huno nda sa eđele ḫuvha lođhe, fhasi heneffho. Huno nda tou ḥuwa lwa tshikhalanyana tshiđuku... Zwo ralo, nda dzhena ngomu, i ḥođaho u swika awara na hafu, ndi a humbulela, tshiňwe tshithu tsha u ralo, n̄tha hafha. Huno ngauralo a tho ngo vha na u edela ho edanaho. Fhedzi ndi do lingedza uri ndi si eđele hafha. Fhedzi ro—ro takala u vha fhano.

³ Hoyu mutukana muđuku, a no khou tambisa hedzi khudzaipfi hafha. Ndo dzula fhasi murahu heneffho, kha yone... tshiňwe tsha zwidulo zwa vhana. Mutukana muđuku a đa, a nndavhelesa lu sa takadzi. Nda ri, “Rothe vhana vhađuku ri nga dzula nga tshashu, ri nga si ralo?” Zwino, ndi a vha funa nga maanda vhatnu vhađuku, naho zwo ralo.

⁴ Huno ndi, oo, zwi tou vha zwavhuđi u vha fhano madekwana a ɿamusi, na u vha na vhathetshelesi vhavhuđi vha vhatnu who ima u mona. Huno ndi khou fulufhela uri zwino Mukomana Williams o ni vhudza nga hazwo, na Mukomana Rose hafha, nga ha mvuseledzo i ḥaho. Ndi a kholwa nođhe ni a ḫivha nga hayo. U vha ngei Ramada, hu si kale, muđangano wa Vhanna vha Vhoramabindu. Huno ri khou lavhelela tshifhinga tshihulwane heneffho. Mukomana Velmer Gardner, wavhuđi, tshiambi tsha maanda; na vhaňwe vhashumeli, Oral Roberts na vhanzhi, vha do vha vha hone heneffho. Huno ri khou lavhelela tshifhinga tshihulwane kha Murena.

⁵ Ndi a kholwa, zwiñwe zwa hezwi zwifhinga, kha ri vhe na tshumelo ya phodzo afho fhethu. Uh-huhu. Ndi do takalela u wana Mukomana Oral, huno ra vha rothe. Ee, muñe wanga. Naa izwo a zwi nga vhi zwavhud? Izwo zwi do vha u—u phuletshedza hayo, a zwi nga ralo? Tshumelo ya phodzo, fhasi ngei Ramada, izwo zwi do vha zwavhud. Ri... Ngauralo uri ri kone u ita hezwo, ni a divha. Murena vha do ri kovhela hezwo, u vha na tshumelo ya phodzo. Ngauralo ri do... U ya u mona, u bva tshivhidzoni u ya tshivhidzoni, u lingedza u phadaladza zwivhuya, na u divhana nga tshashu, na u vha na vhuledzani kha zwivhidzo two fhambanaho. Ndi zwine ra tenda khazwo, uri ri vhathihi, kha Kristo.

⁶ Ndo vha ndi tshi khou amba liñwe ñuvha na dokotela. Ndi khou qilugisela u ya seli ha malwanzhe, huno ndi tea u vha na u ñolwa ha ñama. Ngauralo ndo vha ndo ya u ñolwa. Huno a mmbeya kha iñwe ya idzo dzi weivi... nda... Ni songo mmbudzisa uri ndi mini. Huno a wanulusa tshiñwe tshithu tshi songo ñoweleaho. Huno a vhuya murahu a sa koni u tshi pfectesa, huno a wana tshigwada tsha madokotela, huno o vha a sa koni u pfectesa hezwo. A ri, “A thi athu vhuya nda zwi vhona hezwo.” Huno ngauralo a ntsumbedza tshifanyiso tshatsho, nga ndila ine luvalo lwa vha kanzhi, huno ni na luvhalo lwa vhuvhili, huno lu kule na kule nga maanda. Fhedzi a dzhiela nzhele uri kha lwanga ho vha hu fhethu huthihi. A ri, “Ni muthu a songo ñoweleaho zwa vhukuma.”

⁷ Nda ri, “Ndi dzulela u zwi ñivha hezwo. Muñwe na muñwe u ya ralo.”

⁷ A ri, “A ri athu vhona hezwo na khathihi.” Ngauralo a thoma u mmbudza nga hazwo.

⁸ Nda ri, “Zwo ralo,” nda ri, “ni a ñivha, ndi a kholwa Murena wavhud, musi A tshi ri ita, U tou ri ita lwo fhambanaho zwiñuku. A ri fani nga tshashu, huno tshinwe tshifhinga a ri qifari nga ndila i fanaho. Fhedzi—fhedzi U ya zwi ita Khae... Nga ndila Yawe ya u zwi ita. Ro tou dzhena kha mutshini muhulu wa u vhumba, huno ra tou dzula ra dzika, U ño ri vhumba nga ndila ine A ñoda ri tshi vha ngayo.”

⁹ Huno ndi—ndi a zwi ñivha uri a hu na ane a nga ñoda u vha tshiñwe tshithu fhedzi zwine wa vha zwone. Tshithu tshi tshothe tshire ri nga tama... Nga murahu ha musi ro tshidzwa nahone ra vha vhana vha Mudzimu, tshithu tshi tshothe tshire ra ñoda ndi u tshimbila ho dzivhafhalaho ñuvha na ñuvha. Ndi zwine ro tulutshelwa zwone, u itela uho vhutama vhuhulwane. Naa ndi zwavhud hani! Naa ni nga vhuya na ima u humbula uri ro vha ri tshi nga ita mini arali ri si na hezwo? Mini—mini... Arali fulufhelo lìhulu li songo awela kha riñe, naa ri ño ita mini?

¹⁰ Ndo vha ndi tshi khou ri, kha zwiñwe zwa zwivhidzo, ngavhe ndi tshi... u Thoma, fhethu huthihi, zwenezwo nda

da huńwe, huno na u mona na shango ndi ita u redza uho tshińwe tshifhinga, ndi humbula uri ndi nga zwi dovhola kha tshivhidzo tshithihi. Fhedzi ndo vha ndi tshi khou bvela nnđa ha tshifhađo hune ndo vha ndi tshi zwi vheya nga ndila i na mutsindo, nga ha avha vhathu ñamusi vha tshi khou ita uno mutshino une vha vha nawo, vha u vhidza u thwista, kana tshińwe tshithu. Huno nda ri, “Ndi tou vha ndi sa ñivhi, zwine shango, vhathu vha tshi khou ḥoda u vunda milenzhe yavho na—na u ñifara nga u ralo.”

¹¹ Ngauralo, ho vha hu na muthu, wa i no swika ya fumirathi, miňwaha ya fumisumbe, a ḥangana na nne nga murahu, a ri, “Lwa minete, Vho. Branham.”

Nda ri, “Ee, muńe wanga?”

A ri, “Ni a ñivha, ni tou vha ni sa pfectesi.”

Nda ri, “Ndi a kholwa a thi ralo.”

¹² Ngauralo a ri, “Ni a vhona,” a ri, “Ndi a vhona mbuno yańu.” A ri, “Ni munna wa miňwaha ya fuńhanu nga vhukale. Fhedzi arali no vha ni wa miňwaha yanga, zwe vha zwi tshi ño vha zwe fhambana.”

¹³ Nda ri, “Imani lwa minete.” Nda ri, “Ndo vha ndi tshi khou funza Mafhungo-mađifha musi ndo vha ndi muńuku kha inwi nga miňwaha ya fumi. Ndi kha ñi tenda Mafhungo-mađifha mathihi. Ndo wanulusa tshińwe tshithu tshe tsha bvelela, na dakalo lihulu kha u shumela Murena u fhira zwithu zwe the zwine diabolo a nga bveledza huiwe fhethu.” Ndi yone... Zwi a ri fusha.

¹⁴ Ni a ñivha, Davita o ri, tshińwe tshifhinga, “Vhunga tholo i tshi pfa ñora la mađi a tthisima, myua wanga u na ñora kha Iwe, O Mudzimu.”

¹⁵ Huno arali no no vhuya na vhona itsho tshińuku, musi tsho—tsho vhaiswa; khańwe mmbwa dzo i fara, huno dza kenya tshipida tshihulwane nga lurumbu lwayo, kana tshińwe tshithu. I tshi khou nzuruma. Huno, ya, mmbwa dzi nga tevhela vhūta hayo. A i ngi muthu. Huno i nga zwima iyo tholo i tshi khou nzuruma kana hai. Huno ngauralo ndila i yothe... Arali iyo tholo i tshi khou nzuruma, ndila i yothe ine ya nga vhuya ya tshila ndi u ya hu re na mađi. Huno arali ya nga vhuya ya ya hu re na mađi, i ño wa hayo mađi. Zwi ño imisa u nzuruma, huno—huno ya shavha. Ndi u thanya nga maanda.

¹⁶ Fhedzi zwino ni nga humbula, u vhona tshińwe tsha hedzo ḥukhu dzo vhaisala na u nzuruma, huno nga ndila ine ya imisa ḥoho yayo ḥukhu, na zwipfi zwe the zwine ya vha nazwo zwa u nukhedza hune mađi a vha hone, nga ningó yayo. U tou, i tea u wana mađi, kana ya lovha. Huno zwino zwi tou vha vhutshilo na lufu, khayo. I, u tou vha munukho muńwe—muńwe—muńwe na

muñwe une ya vha nawo, i khou lingedza, u ṭulutshelwa. I tea u tshi wana.

¹⁷ Zwino, ndi nga ndila ine ra tea u vha ri tshi khou vha na dora kha Mudzimu. Ni a vhona? “Vhunga tholo i na dora la madi a tshisimani, huno maya wanga u pfa dora la Iwe, O Mudzimu.” U vha o dzumbiwaho Naye huriñe fhethu, ndi lutamo lwa mbilu yanga. Nahone ndi a fulufhela uri ndi lutamo lwa muñwe na muñwe a re hafha madekwana a ɣamusi.

¹⁸ Huno zwino, vhusiku vhuñwe na vhuñwe, huno ndi a takalela u vhona hezwi. Zwifhañuwo zwine na zwi vhona huriñe fhethu, na dovha na zwi vhona huriñe. Ndi—ndi a funa hezwo. Ni khou sumbedza vhuñama hañu, na u bvisela khagala zwine ro dela zwone hafha.

¹⁹ Huno, oo, ndi nga takalela nga maanda u vhona mvuseledzo ya kale ngei Phoenix. Yawee, nn̄e nn̄e! Ilo ipfi *Phoenix* lo nyanyula u bva lwa u thoma ndi tshi vhala, nga halo: Phoenix, Arizona. Mutukana muñku, wanga, ndo elekanya, “Arali nda nga vhuya nda swika afho fhethu! Arali nda nga vhuya nda swika, afho Phoenix!” Huno zwino ri a zwi vhona, huno musi ri fhano ro wana uri i ñwela khothe ngomu ha tshivhi, u fana na fhethu othe, vhaendela-mashango vha tshi dzhena; na u ñwa, u ñdimvumvusa, u shaya mikhwa, tshiñwe na tshiñwe tshi tshi ralo.

²⁰ Fhedzi, naho, vhukati ha izwo zweþhe, ni wana miñwe midzio yavhudzi ine Mudzimu o i simula kha lino soga hafha, ine ya khou penya kha khare ya vhatu vha Mudzimu vha vhugala. Huno ndi zwine ndo dela zwone, madekwana a ɣamusi, u qibaðekanya na vhoinwi vhatu na vhoinwi dzikhaldzi, na u lingedza u penyisa Tshedza tsha Murena Yesu kha vhañwe, uri vha kone u wanala, navho-vho, nga uhu u vutshela huhulu. Huno vhuñhi havho vha nn̄da heneffo. Ndi khou fushea nga hezwo. Hu kha ði vha na zwinzhi zwine zwa khou ða, huno ri tea u ita tshiñwe na tshiñwe tshire ra nga kona u vha dzenisa heneffo, huno ra tshila vhutshilo vhune ha ðo vhonadza Kristo.

²¹ Zwino, phanda ha musi ri tshi vhala tshipida tshiþuku tsha Luñwalo . . . Ndo dzhena ndo no lenga ndo sokou ñwala dzinotsi dzi si gathi fhasi, nga minete miñanu. Huno vha muthelo wa muholo vha federala vho nthumela mañweledzo a muthelo, huno ndi tea u zwi lavhelesa nga u þavhanya, nahone zwi tea u vha na tshigando tsha posoni, ndi humbula, khamusi ɣamusi, naho zwe ralo. Huno ngauralo ndi tea u fhira nga poswoni. Huno musi ndi tshi dzhena, Billy o ri, “Ndi khwine ni tshi þavhanya.” Huno ngauralo hafha . . .

²² Ndo tou vha na u mona, na u mona, u mona, na avho vhatu. Nne-nne, yawee, nn̄e nn̄e! Vha amba nga ha vhulamukanyi kha miñango ya khothe. Ndi a ðivhudzisa uri i gai. Ee. A thi athu vhona hezwo. Huno vho vha vha tshi khou ðoda ndi tshi badela muthelo wa muholo kha tsheke inwe na inwe ye nda fhiwa lwa

miñwaha ya futhanu yo fhiraho, u badela zwikolodo zwa mafulo, na vhugevhenga khayo, ni a vhona, mañana mararu na futhanu-thanu ya zwigidi zwa dolara.

²³ Nda ri, "Itanu nthutsha." Naa ndi nga vhuya nda ita hani izwo? Nda ri, "A thi na na senthe dza futhanu kañukuñuku." Nda ri, "Naa ndi nga vhuya nda ita hani izwo?" Huno vha mpfarisa tshi kondaho lwa miñwaha miñanu.

²⁴ Ngauralo, vhathu vha tshi panga. U fana, ri khou vha na fulo, na—na vhathu, vha tou ñivha uri dzina ñanga ndi William Branham, vha tou bvisa tsheke u itela thodea. Vhashumeli vha londota hezwo. A thi athu dzhia muñikelo vhutshiloni hanga. Huno ngauralo vha wana... Ndi wana wone—wone muholo u bva tshivhidzoni tshanga, dolara dza ñana nga vhege.

²⁵ Huno hoyu muñikelo... Fhedzi muñwe na muñwe, ni a vhona, uri vha vhea izwo kha... Huno matsheloni a tevhelaho, ene—ene—ene we a vha a muhulwane wa komiti ya zwa masheleni, o vha a tshi do ña a ri, "Mukomana Branham, ni tea u saina hedzi tsheke." Huno, mulandu, ndo vha ndi tshi do dzi saina. O vha a tshi do dzi vhea ngomu. Huno zwenezwo vha lavhelesa hezwo zweþhe, huno hu si na na senthe na nthihi ye ya shumiselwa nñe muñe. Fhedzi musi ndi tshi saina idzo tsheke, vha ri dzo vha dzi dzanga. Vhathu vho nñeya dzone, zwenezwo nda dzi fha tshivhidzo. Yawee, nñe nñe!

²⁶ Ndo ñi pfa ndi si wavhuði nga maanda, lwa u thoma, zwenezwo nda ña u wanulusa uri muthu muñwe na muñwe Bivhilini, ndi a tenda, we a vhuya a vha na ofisi ya tshimuya kha Mudzimu, o vha o ñumanywa na muvhuso wa federala. Zwi sedzuluseni murahu huno ni wanuluse. Ndi zwone. Mushe, Daniele, Yohane Mulovhedzi. Yesu Kristo o fa nga tshanda tsha muvhuso wa federala, fhasi ha ndaþiso khulwane. Petro, Yakobo, Yohane mudzumbululi, vhoþhe, muñwe na muñwe... Vhoþhe vho tambula mutovholo.

²⁷ Ndi ngani? Ndi tshidzulo tsha Sañhane. Naa ni a zwi ñivha izwo? Naa ni a zwi ñivha, Sañhane o isa Yesu nñha huno a Mu sumbedza mivhuso yoþhe, shango, nga tshikhalyanya tsha tshifhiga? Huno a ri, "Ndi yanga yoþhe. Ndi ita zwine nda funa ngayo. Ni a vhona? Huno ndi ño U fha yone arali Wa nga gwadama wa nndosha." Ngauralo ni a vhona ine ya wela khae? Ri vhenga u humbula hezwo nga yashu, fhedzi zwe ralo.

²⁸ Ngauralo A ri, Yesu a ri, "Ibva kha nñe, Sañhane." O zwi ñivha uri U ño vha muñaifa wayo, nga Ñwahagidi. O zwi ñivha uri ñ ño vha Yawe musi... Musi, arali haya mashango a tshi vhuswa nga Mudzimu, Ñwahagidi wo vha u tshi ño vha wo ima. Fhedzi hu ño vha na tshifhinga.

²⁹ Vha na U.N. na Khoro dza Mashango, na tshiñwe na tshiñwe, u lingedza u ñisa mulalo. Fhedzi tenda Sañhane a tshi kha ñi vha

nga nt̄ha hayo, na polotiki, ndi mini zwine zwa khou ya u bvelela? Vha do lwa vhunga zwi na vhutanzi uri hu na shango.

³⁰ Fhedzi hu do da tshifhinga tshine zwi thavhane zwe the zwa do vhewa. Huno zwiwhana zwi do lila, huno matsheloni a tsheila Ú Ya Nga Hu Sa Pheli, u penya na u vha khagala. Khosi yashu i do dzhia khulunoni Yayo. Oo! Hu do vha na u imba; hu do vha na u tavha mukosi. Huno hu do vha na fulaha nthihi, vhathu vhathihi, lushaka luthihi, vha tshi amba luambo luthihi, lwa Tađulu. Amen. Ndo ćulutshelwa itsho tshifhinga. Nahone ndi khou gidimela dzangani, ndi tshi themba kha Mudzimu, liňwe duvha musi zwe phela. Ndi nga ri... Ndi nga Mu pfa a tshi ri kha nne, "Iđa ngeno nt̄ha."

³¹ Ndi fhano Phoenix madekwana a ɿamusi nga Dzina la Murena. Ndi nga—ndi nga si lingedze u talutshedza zwe zwa bvelela. Vhathu vhanzhi vhane vha ita dzitheiphi, vhonani uri ni wane iyo, *Ndi Tshifhinga-de, Vhanę Vhangę?* Izwo ndi phanda ha musi ndi tshi bva hayani. Bono lo nn̄disa fhano; ndi, a thi divhī uri mini... a thi divhī... A thi murengisi wa dzitheiphi, nahone a thi tikedzi izwo zwithu. Ri a dzi wana, nahone ri na vhushumeli ha theiphi u mona na shango. Ngei mađakani na huňwe na huňwe, vha na tshinwe tshithu tshine vha vhea ndevheni, vha natsho, Huno vha nga theipha kha theiphi, huno vha ima henefho vha ćalutshedza izwo kha luambo. Huno zwi ya u mona na shango.

³² Huno, fhedzi ye nda vha ndi nayo, iyo *Ndi Tshifhinga-de, Mune Wanga?* Kana, *Naa Itshi Ndi Tshifhinga, Mune wanga?* Zwiňwe...ndi... Mugivhela nga madekwana, vhege tharu dzo fhiraho, ngei tshivhidzoni. Nga murahu ha vhutshilo hanga hořhe ha u vhona mabono, a thi athu vha na zwi no nga hezwi, kha vhutshilo hanga. Nahone a thi divhī uri ndi mini. Ndi tou vha fhano, fhedzi O nthuma fhano. A thi divhī uri zwi amba mini. Ndi tou... Ndi tou vha hafha.

³³ Huno ndi tea u vha wa ngoho na u fulufhedzea, huno ndi yone ndila i yořhe ine ra nga swika kule na Mudzimu, ndi u vha vha u fulufhedzea. Ngauri, vhathu vha do divhā. Mudzimu u ya divhā, u bva u rangani, a no ngo ralo, kana no ralo kana hai. Huno vhathu vha do divhā. Ngauri, tshinwe tshifhinga, ho vha hu na muthu a tshi khou lingedza u porofita. Huno Mudzimu a vhudza... Kana, muporofita wa vhukuma a mu vhudza, a ri, "Kha ri elelwe. Ho vha na vhaporofita phanda hashu. Muporofita u divhīwa fhedzi musi tshiporofito tshawe tshi tshi vuledzeya." Ngauralo ri tea u vha na vhutanzi uri Mudzimu o amba nga u ralo, phanda ha musi ri tshi amba tshinwe tshithu nga hazwo. Ivhani vha ngoho na u fulufhedzea.

³⁴ Zwino kha ri kotamise zwifhađuwo zwashu u itela thabelo. Kha ri vhetshelle kule u vhilaela huňwe na huňwe zwino, lwa minete i si gathi i tevhelaho. Ndi a divhudzisa... Kha hetshi

tshigwada tshiṭuku tsha vhatu madekwana a ḥamusi, Ndi a zwi ḫivha uri hu na iyo midzio yo dzulaho hafha iné Yesu a ḫo i vhuyela liñwe ḫuvha, dzine dza ḫo vuwa kha buse.

³⁵ Huno hu nga di vha na vhañwe hafha vhane a vha na vhutanzi uri vha ḫo vha vha fhano, kana hai. Ni nga di vha ni na ḫhodea ya zwiñwe zwithu. Arali ni na ḫhodea kha vhutshilo hanu madekwana a ḥamusi, irani i ḫivheyé kha Mudzimu, musi ni tshi imisa tshanda tshanu, nga u tou ri, "Mudzimu, u ya ḫivha zwine nda amba zwino. Huno u mphatutshedze. Ndi—ndi khou lwala. Ndi khou ḫoda phodzo. Ndo—ndo bva ndilani. Ndi khou ḫoda u vhuya kha vhutama. Ndi—ndi khou ḫoda u vhuya. Ndo—ndo khakha. Ndi khou vhuya murahu. Ndi khou ḫoda Iwe u tshi nthusa, madekwana a ḥamusi, u vhuya murahu." Mudzimu a ni fhaṭutshedze.

³⁶ Khotsi wa Taḍulu, zwino musi ri tshi khou sendela kha khuluñoni Yau, nga ndila ya Malofha. Ngauri... Huno Aroni a ya phanda ha—ha tshidulo tsha khathutshelo, a dzhia, u thoma, malofha kha tshanda tshawe, huno a bvela phanda. Huno riñe, nga lutendo madekwana a ḥamusi, ri ḫanganedza Malofha a Murena Yesu, huno ra bvela phanda kha khuluñoni ya Mudzimu, nga fulufhelo, ri tshi ḫivha uri ri na ndugelo ya u ḫa, hu si nga u luga hashu, fhedzi nga Hawe. Malofha a imela u kunakiswa hashu. Huno ndi a rabela, Khotsi wa Taḍulu, uri u ḫo tendela zwi rabeliswa zwashu.

³⁷ Tsha u thoma, ri ḫo U humbela uri u vhe wa khathutshelo kha rine, u tshi ri ḫangwela u pfuka hashu, vhunga ri tshi bula vhukhakhi hashu, na phoswo dzashu ḫukhu, na zwivhi two dzumbamaho, na zwivhi zwi sa ḫivhei. Huno ri dibula sa vhashumeli, ri tshi vha vhotshifhe, zwivhi zwa vhatu. Vhoṭhe, Murena, ri a ima. Ri a funa vhatu. Ri dipfa u nga Mushe musi a tshi ḫivheya vhukati, u thivhela vhatu, kha mbiti ya Mudzimu. Ndi u vhonadzwa—de uho he ha vha hu hone, ha u luga ha Kristo, musi Kristo a tshi ḫiposa vhukati, u tshidza vhatu.

³⁸ Huno, Khotsi, riñe sa vhaqinda Vhawe, na Muya Wawe ngomu hashu, Mukriste muñwe na muñwe ngomu hafha madekwana a ḥamusi, a tshi difara phanda ha vhatazwivhi: "Mudzimu, i vha wa khathutshelo khavho." Ri lilela vhalwalaho na vhashayaho, izwo zwanda zwavhudji, vhañwe ndi vhaalua, huno vhañwe ndi vhaswa, huno vhañwe ndi vha murole wa vhukati, vho imisa zwanda zwavho. U ya ḫivha zweṭhe nga ha izwo, Murena. Ri a rabela uri U ḫo fhindula u ya nga ha lupfumo Lwau negi vhugalani.

³⁹ Ngavhe hu tshi vha na vhanzhi madekwana a ḥamusi, Murena, vhane vha bva hafha, vhe vha dzhena ngomu, vha tshi lwala, ngavhe vha tshi ḫuwa, vha na mutakalo, vho fhola. Tshiñwe tshithu tshi tou itea, tshire vha nga si kone na u tshi talutshedza, fhedzi vha ḫo ḫivha uri vho takala.

⁴⁰ Ngavhe avho vho pambuwaho vha tshi ḥuwa vho itwa vholugaho, Murena, vha tshi ḥivha uri vho vhuya murahu huno vha wana Kristo he vha Mu sia hone. Ngavhe vha tshi huma, vha vhuyedzedzwa. Zwi tendele, Murena, uri havho vha sa athu daho vha wane iyo mbopholowo ya vhudi ya u vha o vhofholowaho, u bviswa hokoni, vha si tsha vhofhiwa nga zwithu zwa shango na mbilaelo dza vhuno vhutshilo, fhedzi vho itwa vho vhofholowaho kha Kristo. Zwi tendele, Khotsi.

⁴¹ Fhaṭutshedza vhoṭhe vha re na ḥodea zwino, nahone u fhaṭutshedze Ipfi Lau na muḍinda Wau, nahone ri ḥo U fha thendo. nga Dzina la Yesu ri a zwi humbela. Amen.

⁴² Zwino, arali ri tshi nga vhala ḥiñwalwa la Luñwalo, kana Luñwalo u itela ḥiñwalwa, kha ndi ralo, Vhakorinta ya u Thoma ndima ya vhu¹⁴, ndimana ya vhu⁸, i vhaleyia nga u rali, kha Vhakorinta ya u Thoma 14:8.

*Ngauri arali phalaphala i tshi nea mubvumo u si na
vhuṭanzi, ndi nnyi ane a ḥo dilugisela yone nndwa?*

⁴³ Helj ndi ḥiñwalwa lo eđanaho u funza vhege mbili u bva zwino khalo, huno naho zwe ralo ra si vhuyi ra kwama mathakheni alo. Hu na tshiñwe tshithu nga ha Ipfi ḥine lo tutuwedzwa. Ni dzulela u vha kha ḥenelo ḥiñwalwa. Ni nga ḥuma Bivhili yoṭhe nało. Ndi zwone.

⁴⁴ Liñwe duvha muñwe muthu o mmbudzisa, a ri, “Ni nga dzhia hani ḥiñwalwa ḥithihi?”

Nda ri, “Yawee, nne nne! Ni dzhia mulaedza wa tshiñwe na tshiñwe khalo.”

⁴⁵ Nda doba mabambiri mararu e a vha a fhasi, nda a imissa. Munna wa hone o dzula hafha madekwana a ḥamusi, u bva Tucson. Huno ro vha ri hangei Pasadena California. Huno nda ri, “Ndi nga dzhia haya mabambiri mararu huno nda funza minwaha ya fumbili-thanu khao: nga ndila ine a vha vhutshilo, hune ha vha khao; hani, ḥodzi tharū, dži tshi vha vhurarū kha Tshithihi. Huno, oo, oo, hu tou vha na zwithu zwinzhi zwine ri nga amba nga hao.”

⁴⁶ Huno mini-ha nga ha Luñwalo? Ndi Ipfi la Mudzimu. Ndi la U Ya Nga Hu Sa Fheli. Lo-ło vha na . . . A li na magumo. Li tou bvela phanda, na u bvela phanda, na u bvela phanda. Ndi vhushavhelo kha riñe.

⁴⁷ Huno zwino madekwana a ḥamusi ndi khou ḥoda u amba nga hezwi: *Phalaphala I Nea Mubvumo U Si Na Vhutanzu*.

⁴⁸ Ndi tshi humbula hezwi, nga zwikalanyana zwe fhiraho, musi ndo vha ndi tshi khou humbula nga . . . ayo mafhungo a muthelo wa mbuyelo, Ndo elekanya, “Zwi a kondja ḥamusi u wana tshithu tshi re na vhuṭanzi. Tshiñwe na tshiñwe tshi na u tima-timisa khatsho.” Huno tshiñwe na tshiñwe tshi si na

vhuṭanzi a tshi fulufhelei. Tshinwe na tshinwe tshi si na vhuṭanzi a tshi fulufhelei. Ni ḥutshele kule natsho arali tshi sa fulufhelei.

⁴⁹ Arali ni na bindu; huno, line, ri na vhoramabindu hafha, khañwe vhunzhi havho. Arali ni tshi khou tshimbidza bindu li si na vhuṭanzi, a ni khou ya u dinetisa zwinzhi ngalo, ngauri dzone—dzone mbuelo a dzi na vhuṭanzi, nahone ni nga si vhulunge zwinzhi khalo. Kana, arali ni wavhuđi, ramabindu wa u thanya, ni do ima na sedzulusa, arali ni na iñwe tshelede ya u vhulunga, u swika ni tshi wana tshinwe tshithu tshi re na vhuṭanzi, tshinwe tshithu tshine tsha fulufhelea, tshinwe tshithu tshine na nga ditika ngatsho. Ngauri, a ni ḥodi u xedza iyo tshelede ḥukhu ye na vhulunga, ngauri kha iyo ni tea u diunda, u bva kha mbalelano dza—dza mbuelo dze dza bviswa kha uhu u vhulunga. Mulandu, ni tea u—u wana tshinwe tshithu tsha u tshila ngatsho.

⁵⁰ Huno na heyi tshelede ḥukhu ye na vhulunga, ni songo i vhea kha tshikwama tshanu na i litsha henehfo, ngauri mavemu vha do itswa. Ni a vhona? Ni songo ita hezwo. Arali ni nayo, i vhulungeni kha tshinwe tshithu. Huno zwenezwo ni khou ḥoda u vha na vhuṭanzi nga ha u vhulunga hanu. Arali na sa ralo, mulandu, ni songo thoma na u i vhulunga, na khathihi.

⁵¹ Ngauralo, vhubindudzi madekwana a namusi zwa vhukuma vhu kha vhuimo vhu tepe-tepaho. Vhubindudzi vhuñwe na vhuñwe, zwa vhukuma, kha shango, vhu kha vhuimo vhu tepe-tepaho, ngauri shango li kha tshiimo tshi tepe-tepaho. Ni nga si ditendele...

⁵² “Zwino, ndi khou ya u vhulunga tshelede *nkene-nene*, u difaḥela havhuđi, haya huñwe fhethu.” Izwi, hezwo zwi a tshuwisa. Ndi do ni vhudza uri zwe ralo, ngauri muvhuso u nga i dzhiya yothe, vhusiku vhuthihi.

⁵³ Oo, ndi tshone tshithu tshine tsho ita uri mbofholowo yashu i vhe ya tshandanguvhoni nga maanđa, u swika zwi tshi tshuwisa nga maanđa! Ro vha ri tshi anzela u vheya fulufhelo linzhi kha mbofholowo yashu. Huno, zwine, ndi humbula urì ndi tshivhumbeo tshihulu tsha muvhuso. Fhedzi, naho zwe ralo, mbofholowo yashu i khou tshuwisa. Ngauri, rine, holwu lushaka, vhatu vhashu, ri na ndayotewa, huno heyi ndayotewa ndi—ndi ambadzifhele yashu. Fhedzi, naho zwe ralo, kha hezwo, ndayotewa yashu i khou lepa-lepa, ngauri yo no vundwa lunzhi. Munna-wa-vhañe Vho. Roosevelt who ita pfudzungule khayo. Ngauralo, ni a vhona, i nga vundiwa. A hu na fulufhelo linzhi line ni nga vheya khayo.

⁵⁴ Polotiki, yawee, nñe nñe, i lepa-lepa hani! Vhatu vha sokou ṭaṭa, na u ṭaṭa, na u ṭaṭa, nga polotiki. Huno vhahura vha do luñana, nga hayo, nahone vhe vha vha tshi andana nga maanđa. Muñwe phuresidennde u do vuwa, kana muñwe muthu u vha nkheteni, kana tshinwe tshithu, huno muñwe muthu kha

linwe sia la polotiki, huno vha do tāta nga tshavho u swika vha tshi lwa nga hazwo, polotiki. Huno a thi... ndi a kholwa a thi khou vhaisa zwipfi zwa muñwe muthu, fhedzi ndi elekanya uri tshithu tshothe tsho sina. Ni a vhona? Ee, muñe wanga. Ndi ngani ni tshi nga tāta na lwa nga tshithu tshi si tshavhudi? Ndi zwone. Zwo tou vhifha nga maanda.

⁵⁵ Muñwe muthu o ri kha nne linwe duvha, a ri, “Naa—naa ni khou ya u khetha kha idzi khetho?”

Nda ri, “Ndo no khetha kale.”

A ri, “Oo, kha idzi khetho?”

⁵⁶ Nda ri, “Ndo khetha Yesu.” Nda ri, “Ndi do ni vhudza. Ho vha hu na vhatu vhavhili vha tshi khou nnyita nkheteni.” Nda ri, “Mudzimu o nkhetha, humo diabolo a si nkhethe. Huno nda khetha Mudzimu, ngauralo ndo vha na u khetha hone.” Zwi bva na kha hune na isa hone khetho yanu, ndila ine na khou u bva ngayo.

⁵⁷ Ngauralo, dzhielani nzhele, a si kale, u tou ni sumbedza tshipida tshițuku, zwenezwo ri do bva khazwo. Kha hedzi khetho dza muphuresidennde dza u fħedza, musi two vha zwi khagala na u tikedzwa ngei Chicago na fħethu ho fħambanaho, uri mutshini we vha vha tshi khou ya u khetha ngawo, wo vha wo vhewa nga lihoro la Democratic, uri tshifhingga tshothe ni tshi voutela Vho. Nixon, no vha ni tshi khou voutela Vho. Kennedy, nga tshifhingga tshithihi. Ngauralo, a ni na tshikhala. Huno zwa tikedzwa!

⁵⁸ Huno no pfa *Moniter* vhuñwe vhusiku, musi vha tshi vhea yone—yone tsedzuluso u mona na shango, u bva Mississippi, vhubvaduvha. Vho. Nixon vho kunda heyi mbidzo ya khetho, nna kha nthihi. Naa munna a nga kunda hani? Arali ho vha hu Vho. Kennedy, two vha zwi tshi do vha nga ndila nthihi. A thi weli na kha linwe dzangano.

⁵⁹ Lihoro langa li Tađulu, huno ndi navho henefha madekwana a namusi. Ro dzula kha fħethu ha Matađulu, ri tshi amba nga ha Khosi yashu.

⁶⁰ Fhedzi, ni a vhona, ndi khou lingeda u ni vhudza, hezwi zwithu zwa lifhasi zwi khou lepa-lepa. A hu na... ni nga si vheye fulufhelo khazwo. A zwi na vhuñanzi. Huno tshiñwe na tshiñwe tshi si na vhuñanzi, ndi khwine ndi tshi tutshela kule natsho. A thi takaleli itshi tshithu tsha thungo. A thi takaleli u diwana ndi kha sia la thungo. Ndi takalela phosethivi, u vha kha sia la phosethivi.

⁶¹ Zwino, vhuñshilo ha hayani ho no vha hu si na vhuñanzi. Ni a qivha, ndo vhona tshipida linwe duvha, kha vhañwe vha vhoramafhungo huñwe fħethu, uri tshivħalo tsha thalano tshi nthetha u fhira luñwe lushaka kha shango. Huno ri tshi khou tea u vha lushaka lwa vhurereli. Ee, zwi nga vha izwo, vhurereli, zwo

luga, fhedzi a si lushaka lwone. Ni a vhona? Vhurereli vhu tou vha tshifukedzi. Zwi a konda u amba zwine ra ita tshifukedzi tshashu khazwo. Adamu o lingedza u ita hawe kha maṭari a muhuyu, huno zwa sa shume. Ho mbo vha vhu lepa-lepaho nga maanda musi a tshi tea u bvela nn̄da a ḥangana na Mudzimu. Ngauralo vhurereli a vhu swikeleli na luthihi. Fhedzi naa ni nga vhuya na elekanya uri tshivhalo tshashu tsha ḥthalano, tshi fhira na—na maṇwe mashango othe, tshivhalo tsha thalano? Ri wana u anda ha u shaya mikhwa mahayani ashu.

⁶² Zwo vha zwi tshi akhamadza u wanulusa, uri, phesenthe khulwane kha tsedzuluso ya shango, nahone ngei... Ndi a tenda ndi Ohio, uri tsedzuluso yo itwa kha Vhakriste, Huno zwo vha zwi tshi akhamadza uri ndi phesenthe nngafhani ye ya vha i sa yi tshivhidzoni. Huno zwenezwo, i no swika phesenthe dza fumalo dza avho vhe vha vha tshi ya tshivhidzoni, vho vha vha sa ḫivhi uri ndi ngani vha tshi ya. A vha ḫivhi uri ndi ngani vha tshi ya. Vha sokou ya tshivhidzoni.

“Ndi ngani ni tshi ya?”

⁶³ “Zwo ralo, mme vho ri isa ri tshe vhana, huno ra sokou ya.” Huno—huno zwenezwo, zwino, iñwe phesenthe ya hezwo, vha ri vho tou u yela u, oo, u ḥangana na vhahura vhavho nahone vha fara khani. Ni a vhona?

⁶⁴ Mulandu, zwi a akhamadza! a zwi mangadzi matshilele a hayani o ngalangala, ni a vhona, vhutshilo ha haya vhuñwe na vhuñwe vhu songo dzingindelaho.

⁶⁵ Musadzi muñwe na muñwe ane a khou ya u mala munna, huno a si na vhutanzi na uyo munna, ndi khwine a tshi mu litsha. Huno na munna muñwe na muñwe ane a khou ya u mala musadzi, huno a si na vhutanzi, ndi khwine ni tshi mu litsha. Ndi khwine ni tshi rabela no khwatha, khazwo, u swika Mudzimu a tshi ni fha phindulo. Huno zwenezwo zwine Mudzimu a tumanya hu so ngo vha na muthu a no zwi fhandekanya. Fhedzi ri—ri, u thoma, ri tea u rabela ro khwatha, nga ha hezwo. Ee.

⁶⁶ Zwino, ri wanulusa uri ro lingedza u shandula shango nga mbekanyamushumo dza pfunzo, huno ro ita phusuphusu khulu khazwo, zwa vhukuma lwo eðanaho. Ni nga si shandule shango kha Kristo nga pfunzo. Pfunzo i mu kokodzela kule ha Mudzimu, u fhira i tshi mu ḫisa tsini ha Mudzimu, ngauri u lingedza u humbula uri o thanya nahone u ḫivha u fhira muñwe na muñwe. Pfunzo na u vha yavhuði hayo, Kristo ha ngo vhuya a rumela tshivhidzo Tshawe uri tshi funze shango. Ha ngo vhuya a vha funza, u ita dziseminari. Ha ngo vhuya a vha funz... Oo, ndi vhavhuði. Ha ngo vhuya a vha vhudza uri vha ḫewe vha ye u fhaṭa zwibadela. Ndi zwavhuði hezwo.

⁶⁷ Fhedzi mshumo wa Tshivhidzo ndi u funza Mafhungo-mađifha. “Iyani shangoni ḥothe, ni rere Mafhungo-mađifha kha tshivhumbwa tshiñwe na tshiñwe.” Ni a vhona? Fhedzi tshiñwe

na tshiñwe tsho fhambanaho kha hezwo, tshi a lepa-lepa, ngauri tshi nga nn̄da ha mbekanyamushumo ya Mudzimu.

⁶⁸ Vhutshilo ha lushaka a vhu na vhuñanzi. Zwo ralo, shango a li na vhuñanzi. Ri khou tou tshila kha fhethu hune shango loþhe la tou vha na mazhuluzhulu, zwi vhonala nga u ralo, u lepa-lepa hoþhe. Lushaka luñwe na luñwe, muñwe na muñwe, muñwe u ofha muñwe. Vha amba mulalo.

⁶⁹ Vho vha na, nga tshiñwe tshifhinga, vha ri, “Oo, musi ri tshi lwa Nndwa ya u Thoma ya Shango, uri vhatukana vhashu vhoþhe vha tea u ya henefho, izwo zwi do fhelisa nndwa.” Mulandu, a vho ngo vha wana vhutsi vhu tshi duba kha tshumela u swika vha tshi vha na inwe.

⁷⁰ Zwenezwo vha vha na Khoro dza Dzitshaka, huno hezwo zwo vha zwi tshi khou ya u vhusa shango, huno zwa wa. Zwino vha na U.N., huno zwi tou vha tshithu tshithihi. Zwo no wa kale. A hu na tshithu khazwo.

⁷¹ Tshiñwe na tshiñwe tshi a lepa-lepa; vhutshilo ha lushaka, vhutshilo ha polotiki, mitshini ya u khetha. Yawee, nne nne! Vha tou vha... Tshithu tshoþhe tsho dzinginyiswa, tshiñwe na tshiñwe.

⁷² Zwino ndi khou þoda u zwi ñisa zwiþuku tsini na hayani. Ni a vhona? Vhutshilo ha tshivhidzo ho dzinginyiswa nahone a vhu na vhuñanzi. Zwino, ndi zwine Paulo a khou amba nga hazwo. Ni a vhona? Ndi he a amba uri, “Arali phalaphala ya ñea mubvumo u si na vhuñanzi.” Vhutshilo ha tshivhidzo ho dzinginyiswa. Vhathu a vha tsha ñivha na zwine vha tea u ita. Vha a ya, vha tshi tendeleka u bva kha tshivhidzo u ya kha tshivhidzo, vha tshi lingedza u wanulusa uri ndi nnyi a re na tshithu tshone; u bva kha liwe sia u ya kha linwe, vha tshi lingedza u wanulusa uri ndi mini tsho lulamaho, ndi gai hu na pfunzo yone. Huno muñwe u ðo ða u mona, huno vha nga zwi þalutshedza, u tou swika kha mbuno ya mulayo wavho, ndi zwone. Huno zwenezwo, tshithu tsha u thoma ni a ñivha, vha wana u tshinyala hunzhi kha izwo, u swika vha tshi lingedza tshiñwe tshivhidzo, u vhona zwine mulayo wavho wa vha, pfunzo yavho. Oo, hezwo zweþhe, ri wanlusa uri ro ñivunda riþe vhañe nga u ra ralo, nga hezwi zwithu, kha ngona dza maðana dza zwivhidzo. Zwino, a hu na tshi lwaho na hezwo. Izwo zwi tou vha uri vha nga ita zwiñwe zwithu, zwenezwo, zwine vha ita, huno hezwi zwi tea u vha na zwiñwe zwivhuya zwi no bva khazwo, huñwe fhethu.

⁷³ Fhedzi, ni a vhona, ni nga si vheye fulufhelo lanu kha u ri, “Ndi wela kha vhuledzani ha zwivhidzo zwa Methodisi, huno ndo–ndo luga ngauri ndi wela khatsho.” “Ndi–ndi–ndi wela kha vhuledzani ha Baphuthisi, nahone ndo luga.” Ni nga si si ite hezwo.

⁷⁴ Ni nga si vhuye na zwi ita musi ni tshi ri “ni wela kha vhuledzani ha zwivhidzo zwa Pentekostaþa.” Ni nga si ite hezwo.

A ni tei u ita hezwo, ngauri a two ngo ralo. Ri wanulusa uri musi vhuledzani hashu ha u thoma ha Pentekostala, Khoro ya Thanganelano, i tshi vhewa, a two ngo dzhiya tshifhinga tshilapfu u swika vha tshi thoma u lwa, huno vha bva heneffo, na mafhongo, na dzipfunzo. Huno zwino itanu lavhelesa khazwo, huñwe na huñwe. Ni a vhona? Zwi ya u sumbedza uri a zwi na vhutanzi. Avho vhane vha fulufhela kha dzangano fhedzi, a li—li na vhutanzi.

⁷⁵ Zwino, ni nga di ri, “Mukomana Branham, u khou ri tumula u bva kha ɯhodzi ya tavhi hafha. U khou pennda tshifanyiso tshi si tshavhuði.” Huno ndo diimisela u ita zwenezwo. Ndi khou ɯoda u zwi ita.

⁷⁶ Ndo zwi ita nga ndivho, uri ndi kone u amba hezwi. Naa hu na tshiñwe tshithu tshi re na vhutanzi? Ee. Tshi hone tshithu tshi re na vhutanzi. Oo, ndo takala nga maanda nga hezwo, uri hu na tshithu tshithihi tshine na nga vheya fulufhelo lanu khatsho, nahone na vha na vhutanzi uri ndi tshone. Oo, musi tshiñwe na tshiñwe tsho ɬuwa, *Hezwi* zwi ðo vha two ima. Arali na vhala Mateo Mukhethwa 24:35, O ri, “Maɯadulu na liphasi zwi ðo lovha, fhedzi Maipfi Anga ha nga kundelwi.” Mudzimu u na mutheo wo imaho nga u rali.

⁷⁷ Muñwe muthu wa kale, o vhuya a amba tshiñwe tshifhinga, mualuwa mutswu wa phasi Tshipembe. O fara Bivhili yawe, nahone a sa koni u vhala. Huno vha ri, “Ndi ngani no i fara, Sam?”

⁷⁸ A ri, “Ndi—ndi Bivhili Khethwa.” A ri, “Zwo ɯwaliwa khayo.” Huno a ri, “Ndi a Itenda, u bva kha gwati u ya kha gwati, nda tenda na gwati naɯo,” a ralo, “ngauri ɯo ɯwaliwa ‘Bivhili Khethwa’ nga Khalo.”

⁷⁹ Huno muthu o vha a tshi khou amba navho, a ri, “A ni tendi zweþhe zwi re Khayo?”

A ri, “Ee, muñe wanga. Ndi a ralo.”

⁸⁰ A ri, “Zwino, zwo ralo, ni amba uri ni nga ita tshiñwe na tshiñwe tshine Bivhili ya amba uri itani?”

A ri, “Ee, muñe wanga.”

⁸¹ A ri, “Mini-ha arali iyo Bivhili ya ri Sam kha fhufhe kha *ulwo* luvhondo lwa matombo heneffo? Naa ni nga ita mini?”

A ri, “Ndi nga fhufha.”

⁸² A ri, “Zwo ralo, zwino, ni khou ya u fhira hani kha luvhondo lwa matombo hu si na buli heneffo?”

⁸³ A ri, “Arali Bivhili yo ri Sam a fhufhe, hu ðo vha na buli heneffo musi Sam a tshi swika.” Ngauralo, hezwo, zwi tou vha ngoho. Hu ðo vha na buli heneffo.

⁸⁴ Tshithu tshi tshothe tshine na tea u ita ndi u dzhia vhuimo hanu kha Ipfi la Mudzimu, huno Mudzimu u do lugisa zwiñwe zweithe. Oo, uyo mutheo muhulu.

⁸⁵ Ndi a tenda O ri, nga hangei kha Luka, ndi a tenda ndi hone, he a vha a tshi khou tsa kha thavha, A ri kha vhafunziwa, "Vhatu vha ri Nne Murwa muthu ndi nnyi?"

Huno muñwe a ri, "Yeremia," na 'vhaporofita,' na zwiñwe zwinzhi."

Huno A ri, "Fhedzi vhoiwe ni ri ndi Nne nnyi?"

⁸⁶ Ndi hone Petro a tshi ita itsho tshiñatamennde tshavhuđi, "Iwe u Kristo, Murwa wa Mudzimu a tshilaho."

⁸⁷ A ri, "Mufhađutshedzwa ndi iwe, Simoni, murwa wa Yonasi, nga uri nama na malofha a two ngo u dzumbululela zwone. Fhedzi Khotsi Anga vha re Tađulu vho u dzumbululela zwone. Huno kha heli tombo ndi do fhađa Tshivhidzo Tshanga, huno khoro dza hele a dzi nga tshi kundi."

⁸⁸ Ndi mini zwenezwo? Kha ngoho yo dzumbuluwaho ya Ipfi la Mudzimu. Ngauri, "U rangani ho vha hu na Ipfi, huno Ipfi lo vha li na Mudzimu, huno Ipfi ho vha hu Mudzimu. Huno Ipfi la itwa nama huno la dzula vhukati hashu." Huno lo dzumbululwa kha Petro uri helo lo vha li Ipfi la Mudzimu lo khwađhisiedzwaho. Amen.

⁸⁹ Ndi ngazwo o vha a tshi kona uri, "Ndi nnyi ane A nga nkhađulela tshivhi? Ndi nnyi ane A nga mpomoka? Tshiñwe na tshiñwe tshe Ipfi la ñwala nga Nne, Ndo tshi ita." Mudzimu o tshi khwađhisiedza, uri O vha a Ipfi. Oo, ndi zwenezwo. Mudzimu o vhonadza, Ipfi li amba nga u ralo, huno zwenezwo Mudzimu o zwi ita zwa vha zwa vhukuma, u zwi bveledza, u zwi sumbedza.

⁹⁰ Miňwaha yo fhiraho, musi vha tshi ri kha tshivhidzo, "A hu na tshithu tsho raloho sa ndovhedzo ya Muya Mukhethwa, izwo zwi tou vha zwipfi zwe vhatu vha tou nyanyulea," fhedzi havho vho U tađanganedzaho, vho zwi ñivha uri ho vha hu ngoho. Vho zwi ñivha uri Mudzimu ndi wa vhukuma. Nahone two tikedzwa, u swika, ñamusi, mutshimbilo wa Pentekosta la wa Mudzimu u buda shango, wo ñisa vhanzhi kha Kristo u fhira miňwe yothe yo ralo.

⁹¹ *Our Sunday Visitor*, a si kale, gurannda ya Katolika, yo ri; Ndi a tenda uri mbamahola, kana mahola, wone; uri, "Tshivhidzo tsha Katolika tsho tou ñwalisa vho rembuluwaho vha hafu ya milioni. Ngeno, Vhapentekosta la vho ñwalisa milioni nthihi, mađana mađanu a zwigidi." Amen.

⁹² Ndi mini? Ndi tshithu tshi aluwaho, Ipfi la Mudzimu, li tshi khou phadalala. Ri tea u vha vha livhuwaho hani! Zwo ñalelsa nga maanda, u swika, na Vhaepisikolieni, Phuresibetheriene, Vhaļuđere, na whothe, vha tshi khou da u wana muñwe Wawo. Ni a dzhieila nzhele kha muđangano wa Vhanna Vhabindu, ni tou

vha pfa vha tshi amba nga vho fhambanaho: Vhaepisikolieni, Vhaluṭere, Vhaputuresibetheriene. Mulandu, zwi a konda u pfa uri Vhapentekostała vha khou ita tshiñwe tshithu hafhu. Ndi zwone. Na vhañwe vhoṭhe. Ngauri ndi ngani? Vho no vhona u shaya nungo ha mulayo wawho, huno vha khou humela murahu kha Mudzimu. Henehfo ni wana mutheo, tshiñwe tshithu tshine tshi nga si sudzuluswe.

⁹³ Wanani henehfo, Muya Mukhethwa u tshi khou tshila Vhutshilo Hawe kha muthu, a tshi Divhonadza kha shango. Huno zwi ita uri muthu a pfe dora a tshi itela Ene: a sa dzinginei, a sa ḥatisei, Ipfi la Mudzimu li tshi vhonadzwa na u Disumbedza, Ipfi Łone line li tshi khou tshilwa kha vhutshilo ha muthu. Ndi tshithu tshavhuđi hani! A hu na tshi si na vhutanzi nga halo. Ni a kona u vhona he Mudzimu a ita pfulufhedziso, huno hafha i ya vhonadzwa. Miñwaha ya mađana yo fhiraho vhaporofita vho amba nga halo, huno hafha li khou da u vuledzeya.

⁹⁴ Huno nga kha u sasaladzwa hoṭhe, na nga kha phambano dzothe, nga kha milayo yoṭhe, uri vho lingedza hani u bvisa Ipfi la Mudzimu! Nga ndila ye vha lingedza u tshintsha pfunzo. Vha lingedza u tshintsha, vha ita denominieisheni. Vho diđadisa. Huno khazwo zweṭhe, Ipfi la Mudzimu li kha di vha lo ima li tshi penya na u vhangama vhunga zwe la vhuya la ralo. Ndi mini? Ndi hetsho tshithu tshi re na vhutanzi. Mudzimu o ri, “Zwoṭhe mađadulu na liphasi zwi do lovha, fhedzi Maipfi Anga ha nga lovhi.” Zwenezwo, ndi tshiñwe tshithu tshi re na vhutanzi. Arali ni tshi ṭoda u ditika, ditikeni nga heļo Ipfi kha mbilu yañu.

⁹⁵ Davita o ri o Li dzumba mbilni yawe, uri a si tshinye. O ḥwala milayo Yawe kha ḥohoh ya mbete, huno a i vhofha kha zwanda na tshiñwe na tshiñwe, a vheya Ipfi Ławe tshifhinga tshoṭhe phanda hawe. Ndi yone ndila. U dzudza muhumbulo wañu tshifhinga tshoṭhe... .

⁹⁶ Mudzimu o vhudza Yoshuwa, “U songo ya kha tshamonde kana nga kha tshaūla, Khalo. Zwenezwo ndila dzau dici do vha dza u bvelela. Zwenezwo u do vha na u bvelela havhuđi.”

⁹⁷ Huno musi tshivhidzo tshi tshi vha tshithihi tshoṭhe kule ha milayo yatsho, na kha Ipfi la Mudzimu, zwenezwo tshivhidzo tshi do vha na u bvelela havhuđi. Ndi tshone tshithu tshine tsha do imisa vhukomonisi.

⁹⁸ Ndi mini zwo itaho vhukomonisi... ? Tshithu tshithihi, ni humbula “vhukomonisi,” musi vha tshi khou phađaladza zwipikwa zwavho, vha tshi aluwa nga zwiñuku, nga dzimilioni, nahone vhathu vha tshi khou zwi ofha: uri vhukomonisi vhu do fa nahone ha lovha. Zwi tea u ralo. Vhukomonisi, vha nga ita hezwi. Vha nga ita hezwila. Ndi a tenda Mudzimu u khou ya u vhu shumisa, fhedzi, ndi zwone, vhunga O ita Nebukadinetsara. U do zwi imisa, one—one—one... malelebvudzi othe, nnda, na vhukomonisi. Fhedzi, izwo... Hai, zwinzhi zwa izwo. Fhedzi,

lavhelesani. Fhedzi ndi hezwi, vhukomonisi, vhu do swika magumoni aho. Vhukomonisi vhu do swika magumoni aho.

⁹⁹ Fhedzi Ipfi la Mudzimu a li na magumo, ngauri A lo ngo vha na mathomo. Amen. Ndi la U Ya Nga Hu Sa Fheli na Mudzimu. Huno arali no gima, nahone Ipfi lo gimiwa kha inwi, ni wa U ya Nga Hu Sa Fheli na Ipfi. Amen.

¹⁰⁰ Zwi tea u da kha magumo azwo. Hezwo zwithu zweṭhe zwi khou lepa-lepa. Zwi si na ndavha uri vha khou fhaṭa phuphu khulu hani, i tea u wela fhasi. Zwithu zweṭhe zwine zwa sa vhe zwa, zwi tshi lwa na ilo Ipfi, kana zwi tshi hanedzana nalo, zwi do tea u bva. Zwi do tea u vula ndila, ngauri Ipfi li khou da nga maanda. A hu na tshithu tshine tshi nga Li thivha. Mudzimu o no di zwi amba kale.

¹⁰¹ Musi A tshi Li amba, maṭadulu na liphasi zwi do lovha, fhedzi a Li nga kundelwi. Dzumbani ilo Ipfi mbiluni yanu, uri ni dzhia hani Ipfi na Li alusa. Li dzudzeni muhumbuloni wanu, tshifhinga tshoṭhe, ngauri a li nga vhuyi la kundelwa. Ipfi la Mudzimu a li nga vhuyi la kundelwa, ngauri O ri a li nga ralo. Ngauralo ri khou ḥoda u farelela kha hezwo.

¹⁰² Zwino, Paulo o ri, kha Luñwalo, zwi fana na u pfumbudza swole, swole kha mubvumo. Zwino, swole li tea u guda mibvumo wa... wa porompiṭa kana phalaphala. A sa divhi arali phalaphala i tshi ralo, i tshi lila, kana uri a—a dia kana a shavha. Arali a sa divhi phambano, naa ni do vha na mmbi yo ḥangananaho hani? Swina li do kunda zwa vhukuma kha tshigwada tsha maswole ane ha ngo vhuya a pfumbudza zwa khwine u fhira hezwo. Amen.

¹⁰³ Ndi yone thaidzo kha zwivhidzo zwashu ḥamus. Ro zwi pfumbudza kha milayo, ri tshi fhambanyisa tshiñwe kha tshiñwe.

¹⁰⁴ Ri tea u farana. Ri tea u divha phalaphala. “Zwenezwo ndi ifhio phalaphala?” vha ralo. Phalaphala ya Mafhungo-mađifha, ndi Yone. Ipfi la Mudzimu a tshilaho ndi Phalaphala. Ni songo ḥanganyisa tshiñwe tshithu nalo.

¹⁰⁵ Ni songo vha na muñwe muthu a no lidza tshihwana tsha Tshifura, huno muñwe a lidza porompiṭa. A hu na a no divha zwine a tea u ita. Zwi ḥisa ndado.

¹⁰⁶ Huno Paulo o vha a tshi khou amba nga ha u pfumbudza muthu kha mubvumo. Huno vhunga sa uyo mubvumo, u ya divha zwine a tea u ita, ngauri porompiṭa i na ndaelo, nahone u bva kha mulangammbi. Huno musi a tshi lidza heyi phalaphala, mmbi i ya divha kokotolo fhethu hune ya—ya tea u ya, kana hune ya tea u humela murahu, nahone kana uri vha rembulutshele kha tshaūla kana kha tshamonde, kana ndi mini zwine vha tea u ita, nga u bvuma ha phalaphala.

¹⁰⁷ Zwino, mmbi, nndwa, zwo dzulela u vha nndwani. A ro ngo vhuya ra dzhoina Tshivhidzo, kana ra da kha Tshivhidzo, u vha kha phikhiniki. Ri tea u limuwa uri ri khou da kha mudavhi wa nndwa.

¹⁰⁸ A tho ngo vhuya nda da, uri vhathu vha mbande nga murahu huno vha ri, “Branhama, ni muthu wavhuđi.” Hai, muñe wanga. Ndo da heneffo na tshipilela-khana. A thi ḥodi tshipilela-khana kha hezwo. Ndo da na gondolo na tshiṭhavhane. Ndo da u lwa, u lwa tshipida tshiñwe na tshiñwe tsha vhuimo.

¹⁰⁹ Mudzimu o vhudza Yoshua, “Fhethu huñwe na huñwe hune vhukando ha nayo dzau ha kanda, hafho ndi do u fha hone.” Ngauralo, vhukando ha nayo vhu amba ndango.

¹¹⁰ Huno musi tshiyhidzo tshi tshi swika fhethu, hune tsha leludza na milayo, na u leludza na Ipfi, na u leludza na shango, ndi amba uri, zwenezwo tshi khou xeletwa nga hune tsha langa. Tshi khou humela murahu.

¹¹¹ Zwine ra toda ñamusi ndi maswole a u dzhia pfulufhedziso iñwe na iñwe Khethwa ya ino Bivhili, ye Mudzimu a fulufhedzisa kha Tshiyhidzo, tshiṭhavhane tshothe tsha Mudzimu, na u ima. Ndi zwine ra ḥoda, maswole; hu si u wana yunifomo ya u ita mufolo, zwi dzulela u fhambana. Musi munna . . .

¹¹² Lushaka luñwe na luñwe, ri na dzitholi kha lushaka luñwe na luñwe. Ri na ḥoli dla German fhano. Ri na ḥoli dla English fhano. Ri na—na ḥoli nga hangei England. Naa vha khou lingedza u itani? Vha khou lingedza u wana uri ndi lushaka lufhio wa lwa matheriala, lushaka lwa bomo, ine vhañwe vha vha nayo. F.B.I. i tsini nga maanda kha lushaka luñwe na luñwe. Vha khou lavhelesa, u vhona. Ndi nga ndila ine vha tshila. Vha a lavhelesa vha vhona uri ndi lushaka lufhio lwa bomo ine luñwe lwa vha nayo. Zwenezwo vha ya da huno vha zwi ita zwa khwine, kana u ita tshiñwe tshithu tsha u imedzana nayo. A vha fulufhelani, kha dzitshaka, ngauri izwo zwi ya u sumbedza uri dzitshaka dici khou lepa-lepa. Mulandu, England i do ri thuthubisa, nga awara, arali ra nga budä iyo ndila, kana ri nga vha thuthubisa. Zwi do tou dzhia muñwe muthu kha khorombusi ya tshithu heneffo, u wana tshiñwiwa tshiṭuku kana zwivhili, zwinzhinyana, kana u rithiwa nga tshiñwe tshithu, huno zwenezwo i ya litschedza.

¹¹³ Hafha a si kale, vho vha vha tshi do ri, tshipida tshiṭuku tsha thundu, “Tsho itwa Japan,” nga tshifhinga tsha nndwa. Vho vha vha tshi do tshi rwisa na phasi, huno vha tshimbila u mona, vha tshi tshi nyefula. Huno zwino ni do badela mutengo muhulu wa hezwo u fhira tshiñwe tshithu tshire na renga kha lushaka. Ho itea mini? Vhabadela vhutshilo ha avho vhatukana vhe vha fela heneffo? Zwa vhukuma hai.

¹¹⁴ Ndi mini? A thi na ndavha uri ni lwa zwi ngafhani kha zwithu zwa matheriala, ni khou ya, a zwi nga ambi tshithu. Zwi do

dzinginyisa. Fhedzi hu na nndwa nthihi ine na nga dzhena khayo huno na wana mashango ane a nga si tsha dzhiwa kha inwi. Uyo ndi mubvumo wa Mafhungo-madifha a Phalaphala ya Ipfi la Mudzimu, huno a dzhia zwifhiwa na pfulufhedziso ye A nea kha Tshividzo. Zwa vhukuma zwe ralo. Zwino, ri wana—ri wana, u tshi fha uyu mubvumo wa phalaphala.

¹¹⁵ Zwino, lushaka luñwe na luñwe lu lingedza u shomedza vhatukana vhalwo nga vhupileli ha khwinesa hune vha nga vha naho. Zwino, ndi a divha, tshiñwe tshifhinga hezwi zwitvhavhane a zwe ngo leluwa u zwi hwala.

¹¹⁶ Ndo vha ndi na murathu, “Rookie,” vha mu vhidza nga u ralo, u ya nn̄da hafha, huno mmbi ya mu fha muhwalo wa phandu dza fuñhae uri a u bebe. Huno uyo u tea edana kañku na tshireme tshawe. Vha mu nea mugwala, wa u gwa mulindi ngawo; tshigidi, na guma loñhe la zwishumisa zwa zwanda. Huno, oo, a thi athu vhona muhwalo u ngaho uyo! Muthu mutuku a tñgungufhadzaho o vha a tshi kundelwa nga u tshimbila. Huno vha mu isa fhasi badani kha lwendo lwa maela ñhanu. Zwa nga u mu vhulaya. A ri, “Aya maloto ndi a mini? Ndi ngani ndi tshi ñoda aya magondolo mahulu a kale?” Zwino, lavhelesani. Mmbi i ya divha uri u khou ya u ñoda hezwo tshiñwe tshifhinga. “Naa ndi shuma mini nga mugwala, nn̄da hafha kha gondo, ndi tshi khou tshimbila?” Ndi khwine ni tshi u ñowela. Ni nga di u ñoda.

¹¹⁷ Muvhuso a u khou ya u bvisa tshithu nga nn̄da ha musi ni tshi divha... vha tshi divha uri ni do tshi shumisa. Ni tea u pfumbudzelwa hezwo. Vha wana tshithu tsha khwine tshine vha nga tshi wana, u ni tsireledza ngatsho, ngauri vha na dzangalelo kha lushaka. Vha na dzangalelo kha inwi no tsireledza nga ndila ya khwine ine ni nga vha, kule na gulu. Zwe dzulela u vha zwenezwo.

¹¹⁸ Zwe thoma ngadeni ya Edeni. Huno Mudzimu u pfumbudza Tshividzo Tshawe. Huno yone...

¹¹⁹ Ni a divha, ri dzulea u khwinisa. Zwino, bufho la kale le ra vha ri tshi li shumisa murahu kha Nndwa ya u Thoma ya Shango; na Nndwa ya Vhuvhili ya Shango, mulandu, izwo zwifhfufhi zwiñku muyani zwe bviswa, musi vha tshi vhea haya avhudzi mabufho mahulu ane vha vha nao. Mulandu, o vha a si tshithu. Huno zwino, aya e vha a shumisa kha henyi nndwa yo fhelaho, zwino o fhelelwa nga tshifhinga. A vha tsha a ñoda na khathihi. Vha na dzijethe. Huno, ni a vhona, ni dzulela u lingedza u khwinisa, u khwinisa kha tshithu u itela vhupileli.

¹²⁰ Fhedzi ni a divha uri mini? Mudzimu ha tei u khwinisa. Mudzimu o fha vhana Vhawe, maswole Awe, tshithu tsha khwinesa tshine a nga vha fha tshone. Musi A tshi vha fha, zwe A vha fha zwone? O vha fha Ipfi Lawe ngei ngadeni ya Edeni, huno muthu o vha o ñitsireledza murahu ha Ipfi la Mudzimu, huno hu si diabolo ane a nga mukwama. Dzulani kha Ipfi.

¹²¹ Zwino, tholi ya swina, Sathane, a lingedza u wanulusa uri a nga ita mini u kwasha izwo. Ngauralo a—a divha uri a nga si sokou da a mu fhra, ngauralo tshithu tshi tshothe tshire o vha a tshi nga ita ndi u muvhaya kha u humbulesa. Huno ndi zwine Mudzimu a shumisa namusi, u tsireledza Tshivhidzo Tshawe, ndi Ipfi Lawe. Huno Sathane u ya da nga maanda a u humbulesa. Sathane o zwi divha uri izwo ho vha hu tshone tshibuli. Ndi hone fhethu hune vhathu vha litshedza hone, ho vha kha u humbulesa.

¹²² Ni ri, “Zwino, irani ndi tou tata na inwi. Zwino naa zwo tea?”

¹²³ Arali Mudzimu o ri zwo tea, zwo tea, kana ri tea u lila, na u boohoo, na *hezwi* zwothe. Arali Mudzimu o ri ndovhedzo ya Muya Mukhethwa ndi ya ndeme, A thi na ndavha uri zwi lemela hani, kana ni tea u fhambana na shango zwi ngafhani, ni khou ya U shumisa, linwe la haya maduvha, u dzula ni tshi khou tshila. Ndila i yothe ya u tshila.

¹²⁴ “Zwino, naa ri tea u ita phodzo Khethwa, ngeno ri na madokotela a khwinesa shangoni?”

¹²⁵ Mudzimu o ni fha phodzo Khethwa ngauri U ya zwi divha uri ni tea u i shumisa. O ni fha zwifhiwa zwa Muya.

¹²⁶ Huno nga u tjavhanya musi Sathane a tshi swika kha Efa, a thoma nga u tata nae. Zwino, “Zwa vhukuma, zwa vhukuma, Mudzimu a nga si ite *hezwo*.”

¹²⁷ Vhathu vha ri namusi, “A hu na tshithu tsho raloho sa hele.” Vhunzhi havho vha ni vhudza hezwo. Ni a vhona? “Oo, zwa vhukuma Mudzimu a nga si fhise vhana Vhawe.”

¹²⁸ Zwa vhukuma, Ha fhisi vhana Vhawe. Fhedzi diabolo u do ralo, vhawe. Ni nwana wa nnyi? Ndi tshone tshithu tshi tevhelaho. Hele yo sikelwa diabolo na vhana vhawe, hu si vhana vha Mudzimu. A hu na na muthihi ane a khou ya heneffho. Ndi zwone. Zwi bva kha uri ni nwana wa nnyi.

¹²⁹ Zwino, Mudzimu o fha Efa na Adamu Ipfi Lawe, nahone Ha ngo vhuya a zwi shandukisa. O dzulela u... Vhone Vhakriste, kana ene mutendi, Philelo yawe ndi Ipfi.

¹³⁰ Maqafulu na lifhasi zwi do lovha. Mulayo munwe na munwe u do lovha. Dinomineisheni iñwe na iñwe i do kundelwa. Lushaka luñwe na luñwe lu do nupela. Fhedzi Ipfi la Mudzimu li do ima, U Ya Nga Hu Sa Pheli. Hu do vha na tshifhinga tshire naledzi ya matsheloni a i tsha do penya na khathihi. Hu do vha na tshifhinga tshire quvha a li tsha do penya, nahone ñwedzi a u tsha do tshena, na shango a li tsha do mona kha obithi yaño.

¹³¹ Fhedzi Ipfi la Mudzimu li do dzula li hone nga ndila i fanaho. Ee. Ndi tshinwe tshithu tshire tshi nga si sudzuluswe, tshinwe tshithu tshire ni nga ditika ngatsho. Li na vhutanzi. Mudzimu a amba tshinwe tshithu, tshi na vhutazi uri tshi do itea.

¹³² Arali O amba uri, ngei ngadeni ya Edeni, u itela Murengululi, U do rumela Mesia, zwo vha zwi na vhuțanzi uri zwi iteye. Naho lwa miňwaha ya zwigidi vho lindela, fhedzi O swika heneffo. O do tea u da ngauri ho vha hu pfulufhedziso ya Ipfi la Mudzimu.

¹³³ Mudzimu o fulufhedzisa u Mu vhuisa murahu hafhu. U do vha fhano. A thi na ndavha uri ndi vhangana vhadzia u sa tenda na vha tima-timaho vha no takuwa, tshiňwe na tshiňwe tshire vha ita, ndi vhukomonisi vhu ngafhani vhu no phadalala, Yesu Kristo u doda, huno u do wana Tshivhidzo tsho ḥanzwiwaho nga Malofha, huno u do tshi fhufhisa nga kha lutombo u ya Ṭadulu. Ndi ngani? Zwi tea u ralo. Ipfi la Mudzimu li amba nga u ralo.

¹³⁴ “Arali ni tshi nga tenda, zwithu zweithe zwi a konadzea.” Zwi na vhuțanzi. Mudzimu o amba nga u ralo, nahone zwi nga si sudzuluwe, zwi nga si bviselwe nnnda. Mudzimu o amba nga u ralo, arali na nga tou dzula naļo (Zwino...) nahone na vha na lutendo khazwo, na zwi tenda.

¹³⁵ A si mubvumo u si na vhuțanzi. Mudzimu a nga si fhe mubvumo u si na vhuțanzi. Milayo i nga fha mubvumo u si na vhuțanzi. Dinomineisheni i nga funza mubvumo u si na vhuțanzi. Fhedzi Mudzimu a nga si fhe mubvumo u si na vhuțanzi. Huno heli Ipfi ndi Mudzimu. Huno a hu na tshi si na vhuțanzi nga Haļo. Tshiňwe na tshiňwe tshi na vhuțanzi.

¹³⁶ Zwino, Tshivhidzo tshihulu tsho pilelwa nga Ipfi. Zwino, musi Yesu a tshi da, na u shumisa philelo yeneyo nthihi? O ralo zwa vhukuma.

¹³⁷ Musi Sathane a tshi da Khae, nga maanda awe othe, huno a ri, “Arali iwe u Murwa wa Mudzimu, ita *tshikene*, na zwithu *zwikene*.”

¹³⁸ A ri, “Zwo nwaliwa...” Murahu kha Ipfi. Sathane a Mu linga zwa nthanyana. Fhedzi, Yesu, a humela murahu kha Ipfi, “Zwo nwaliwa...”

¹³⁹ Heneffo A sala, kha ilo Ipfi, a tshi ri sumbedza sa tsumbo. Vhunga O amba kha Vhakorinta ya u Thoma, u thoma... Yohane Mukhethwa 14:13, “Ndo ni fha tsumbo.” Huno iyo ndi tsumbo, uri ro khwaṭha ri tea u, ri tea u vheya fulufhelo ḥashu tshothe kha Ipfi la Mudzimu. Irani tshiňwe na tshiňwe tshi vhe mazwifhi. [A hu na tshithu kha theiphi—Mudz.]

¹⁴⁰ Ndi tshinwe tshithu tshi re na vhuțanzi. Mudzimu o ita pfulufhedziso. Nahone Mudzimu u khou ya u vhulunga pfulufhedziso. Vha ri, “Naa izwi zwi nga itea hani? Naa A nga kuvhanganya hani tshigwada tsha vhatu fhethu huthihi, nga tshiidzi tsha U Takulelwa N̄tha, u ya n̄tha?” A thi qivhi uri U do zwi itisa hani. A si mushumo wanga u vhudzisa uri U do zwi itisa hani. Ndi mushumo wanga u vha o lugelaho khazwo. O zwi fulufhedzisa. Zwi khou ya u itea. O tsireledza Tshivhidzo Tshawe nga Ipfi.

¹⁴¹ Huno tshithu tsha u thoma ho vha hu u tata. Zwino vha ri, “A zwi tou vha zwi pfalaho kha muhumbulo zwino, arali ndi tshi wela kha *hetshi* tshivhidzo, naa a si tshavhuđi u fana na *tshiila* tshiňwe tshivhidzo?”

¹⁴² Hu na Tshivhidzo tshithihi fhedzi tshire na nga wela khatsho. Ni nga si vhuye na tshi dzhoina. Ni nga dzhoina nnđu ya vhuawelo, nnđu ya vhuawelo ya Methodisi, na nnđu ya vhuawelo ya Phuresibetheriene, na nnđu ya vhuawelo ya Baphuthisi, na nnđu ya vhuawelo ya Pentekostała. Fhedzi ni tou bebelwa kha Tshivhidzo tsha Yesu Kristo, ngauralo khetsho Tshivhidzo.

¹⁴³ Hedzo ndi nnđu dza vhuawelo, hune vhathe vha kuvhangana, u fana na mafunguvhu o dzula kha *heļi* tavhi, huno maihva kha *heļi* tavhi, na—na zwiňwe zwinzhi. Ndi vhuledzani vhune na vha naho nga tshaňu, musi ni tshi khou la zwiļiwa zwi fanaho.

¹⁴⁴ Fhedzi musi zwi tshi da kha Tshivhidzo tsha Yesu Kristo, hu na ndila nthihi fhedzi. Ndi Mbebo. Mbebo!

¹⁴⁵ Zwi tou fana na muthu, vhunga ndo amba zwifhinga zwinzhi, vhunga tshinoni tshitswu tsho dzula kha tavhi, tshi tshi khou lingeda u vheya mathenga a phikhokho kha phapha dzatsho, huno tsha ri, “Ni a vhona, ndi tou vha phikhokho.” Ni a vhona? Tsho tou dipanga ayo mathenga, tshone tshire. Arali tsho vha tshi phikhokho ya vhukuma, nga mvelo yatsho tsho vha tshi tshi do bveledza ayo mathenga.

¹⁴⁶ Arali Tshivhidzo tsha Mudzimu a tshilaho tshi Tshivhidzo tsha Mudzimu a tshilaho, tshi do bveledza Ipfi la Mudzimu a tshilaho. A ni tei u dzhenisa mathenga a phikhokho huňwe fhethu. Huno mathenga maňwe na maňwe heneffo a do ūumiwa kha phikhokho. Ni nga tenda hezwo. Huno muthenga muňwe na muňwe une wo ūumiwa kha Tshivhidzo tsha Mudzimu u do vha Ipfi la Mdzimu. Ha nga do vhuya a ūuma tshiňwe tshithu fhedzi Ipfi. Amen. Ngauri, mvumbo ya Muya i bveledza fhedzi Ipfi. Amen. Ndi khou thoma u pfa ndi wa vhurereli. Ndi zwone.

¹⁴⁷ A si tshiňwe tshithu tshire na lingeda u ita, kana na lingeda u maga. Ni nga si vhumbe vhure-... Ni nga si vhumbe vhurereli. Ni nga si vhumbe zwifhiwa. Ni tea u aňwa zwifhiwa. Zwa vhukuma. Ni a vhona? Yone—yone nngu a i, a i bveledzi ulu. I na ulu ngauri ndi nngu. I tou bveledza ulu. Wone—wone—wone muri wa tsheri a u vhumbe dzitsheri. U tou aňwa dzitsheri, ngauri vhutshilo hawo vhu nga iyo ndila.

¹⁴⁸ Huno Tshivhidzo tsha Mudzimu a tshilaho a tshi ḫavheli Hezwi, u lingeda u ćiita uri vha vhonale sa tshiňwe tshithu. Who no vha zwine vha vha, nga tshilidzi tsha Mudzimu. Huno na Ipfi la Mudzimu lo ūumanywa navho, nahone vho ūumanywa na Ipfi. Huno na mishumo ye ya ćiswa kha uyo o khunyelelaho, Yesu Kristo, Mudzimu o vhonadzwa namani, i do dibveledza nga kha mutendi muňwe na muňwe o bebiwaho hafhu. O amba nga u

ralo. Amen. A hu na tshiñwe tshithu. Zwino, ndi tshiñwe tshithu tshi re na vhuñanzi.

¹⁴⁹ Zwino, zwi nga vha zwi—zwi dadiñaho zwiñuku kha muthu, arali o vhuya a ñivha mubvumo wa vhukuma wa phalaphala. Zwino, muthu we a vhuya a pfumbudzwa kha phalaphala, huno a sa vhuye a i pfa, zwo ralo, a nga vha o dadiñaho zwiñuku musi a tshi pfa tshiñwe tshi pfalaho tsho fhambana kha zwe a pfa. O dzulela u pfa, “Dzhoinani tshivhidzo. Dzhiani vhurifhi hanu nga *hafha* na nga *hafha*.” Izwo zwi nga di vha zwo luga. Ndi zwenezwo fhedzi zwine a ñivha.

¹⁵⁰ Fhedzi musi ni tshi vhuya murahu, nga kha ndovhedzo ya Muya Mukhethwa, ni tshi amba nga ha maanda a Mudzimu na zwithu zwe A ita; na uri zwi ita uri vhasadzi na vhanna, vhothe, vha dikunakise, u bva kha vhutshilo ha tshivhi; uri zwi vha ita hani uri vha tshimbile lwa vhukhethwa, na vhungoho. Na zwithu zwine a ita, nahone zwi ñisa ndovhedzo, u amba nga dzindimi, u fhodza vhalwadze, u pandela vhodiabolo, u porofita, zwifhiwa, oo, mabono, tshiñwe na tshiñwe kha Tshivhidzo. Haleluya! Ndi zwone. Musi zwi tshi tuwa, zwenezwo zwi a ñadiña zwiñuku khavho vhane a vha athu pfa ulwo lushaka lwa phalaphala.

¹⁵¹ “Zwo ralo,” ni ri, “tshivhidzo tshanga a tshi funzi hezwo.” Zwenezwo a tshi khou lila phalaphala ya Mafhungo-madifha. Vhugala! Ndi zwone.

¹⁵² Fhedzi kha maswole o pfumbudzwaho, haleluya, musi vha tshi pfa phalaphala i tshi lila, vha ya ñivha uru hú imiswa hani nga oda. U ya phanda, maswole a Vhakriste! Vhugala! Oo, zwi na vhuñanzi!

“Ni zwi ñivha hani uri zwi na vhuñanzi?”

Zwi kha Ipfi.

“Zwo ralo,” ni ri, “tshivhidzo tshashu a tshi funzi Hezwo.”

¹⁵³ Fhedzi phalaphala i ya zwi lidza. A thi ñodi u pfumbudzelwa kha mulayo wa tshivhidzo, ngauri u ño lepa-lepa nahone wa wa. Fhedzi arali no pfumbudzelwa kha Ipfi, mañadulu na lifhasi zwi ño lovha, huno heli Ipfi a li nga vhuyi la lovha. Mulayo muñwe na muñwe, na tshiñwe na tshiñwe, tshi ño wa. Fhedzi heli Ipfi a li nga kundelwi. Amen. Ndi wone mubvumo. Ndi wone mubvumo une nda khou ñoda u u pfa. Ee, muñe wanga.

“Oo,” ni ri, “ndi zwi ñivha hani?”

¹⁵⁴ Yesu o ri, “Nngu Dzanga dzi pfa mubvumo Wanga. Dzi a ñivha phalaphala Yanga.” A ri, kha Yohane Mukhethwa, ndima ya vhu¹⁴ na ndimana ya vhu¹², “Uyo ane a tenda kha Nñe, mishumo ine nda ita u ño ita-vho.” Zwino, O amba hezwo.

Arali muthu a ri, “Zwo ralo?”

¹⁵⁵ Vhahevheru 13:8 yo ri, “Yesu Kristo ndi a sa shanduki mulovha, ñamusi, na lini na lini.”

“Oo,” vha ri, “nga inwe ndila.”

¹⁵⁶ Zwino, nngu ya vhukuma i do ri, “Uh-oh. Oo, tshiñwe tshithu tsho bva, kha hezwo. Izwo a two ngo pfala nga ndila yone. Oo, iyo i tea u vha ḥanga ya Fura. Iyo yo vha i si phalaphala, ngauri Bivhili a i ḥei mubvumo u si na vhutanzi.”

¹⁵⁷ I ri, “Ni do ḥanganedza Muya Mukhethwa.” Hu si, “Ni nga kha di.” “Ni do ralo, muñwe na muñwe wañu.” U swika lini? “Kha vhana vhanu, na kha vhana vha vhana vhanu, na avho vha re kule, na vhanzhi vhane Murena Mudzimu washu a do vha vhidza.” U do lidza phalaphala kha lushaka luñwe na luñwe na murafho muñwe na muñwe, huno vha do pfa ipfi ḥawe. Vha do li tenda, avho vho telwaho Vhutshiloni. Amen. Vha do li tenda ngauri vha a divha uri Ndi mubvumo wa phalaphala ya Mafhungo-madifha. A si u si na vhutanzi. Swole linwe na linwe li a divha uri hu imiwa hani.

¹⁵⁸ Zwino, no vhona Petro, na Yohane, na Yakobo, na tshivhidzo tsha u ranga, tshi tshi matshela phanda nga heyi ndila, ngauri phalaphala, Yesu, u ri, “Iyani mashangoni othe, ni rere Mafhungo-madifha.” Mariko 16, ni a vhona, “Hezwi zwiga zwi do tevhela avho vhane vha tenda.” Ri vhona Petro, Yakobo, na Yohane, na mutevhe wothe, vha tshi matshela kha Izwo.

¹⁵⁹ Huno riñe ri khou rembulutshela kha inwe ndila, kule hazwo? Muñwe u khou ya phanda, muñwe u khou ya murahu? Muñwe u ri, “Zwo ralo, izwo two vha zwi zwa linwe. Izwo, uyo—uyo mubvumo, wo vha u wa linwe.” Oo, hai. Zwi nga si vhe hezwo.

¹⁶⁰ Mmbi yothe ya Vhakriste i pfa phalaphala. Mudzimu o ri yo vha i phalaphala. A nga si zwi shandukise. Ndi wone mubvumo we A ri u do pfala ngawo. “Nga hezwi vhatu vhothe vha do divha,” huno kule Tshivhidzo tshi a tuwa.

¹⁶¹ Vhanwe vhavho a vha tendi na kha u Vhuya Hawe sa muthu. Bivhili i ri U do vhuya, ngauralo ri khou lavhelesana na u Vhuya Hawe. Arali a si ho madekwana a namusi, ri do vha ro lavhelela nga matsheloni. Arali A si ho hafha nga matsheloni, ri do vha ro Mu lavhelela matshelo nga madekwana. Nahone ri do dzulela u lavhelesa. Arali ra edela, yashu—yashu... a ri ngo ḥoka lwa lifhedzi. “Ngauri phalaphala ya Mudzimu i do lila iyo phalaphala ya u fhedza, huno vhafu kha Kristo vha do vuwa. Huno riñe vhatshilaho nahone ro sala ri do ḥanganana navho rothe, u ḥanganana na Murena tshikhalani, huno lwa tshothe ra vha hanengei.” Ndi wone mubvumo wa phalaphala. Kana ndi a tshila kana ndo lovha, a zwi iti phambano. Ndi do pfa mubvumo. Ndi do vuwa. Vhugala kha Mudzimu! U vuwa. Oo, ee. Eye.

¹⁶² Yesu o ri, zwauri, “Dzanga nngu dzi pfa ipfi ḥanga.” O vha a Ipfi lo vhonadzwaho. Musi yone... Ndi nga ndila ine nngu Dzawe dza do Mu divha ngayo.

¹⁶³ Zwino lavhelesani kha Vhafarisei na avho nga ilo duvha. “Oo,” vha ri, “Muthu uyu ndi Belesebulu.” Musi A tshi vhudza mufumakadzi tshisimani, he, nga ha zwivhi zwawe, munna we a vha a naye, musi A tshi vhudza Nathaniele he a vha a hone, fhasi ha muri he Fililipi a mu vhidza, nn̄da fhasi ha muri wa muhuyu, a tshi khou rabela, mulandu, avho v̄hadedzedzi vha ilo duvha vho ri, “Hoyu Muthu ndi Belesebulu. Ndi diabolo. Ndi mungome.”

¹⁶⁴ Fhedzi hezwo a zwe ngo ralo kha Petro, Yakobo na Yohane, na vhañwe vhoñthe. Vho zwi ñivha. Ndi ngani? Vho zwi ñivha musi Mudzimu a tshi ri musi Mesia a tshi da, fhasi ha ipfi lo tuñuwedzwaho la Mushe, U do vha muporofita. Huno musi vha tshi vhona izwo zwithu zwe A amba zwi tshi vhonadzwa na u khunyelatzwa, vho zwi ñivha uri zwe vha zwi zwiliwa zwa nngu. Vho zwi ñivha uri ho vha hu phalaphala. Huno vha thoma u zwi tevhelela. “Nngu dzanga dzi a zwi ñivha,” ngauri vho vthona Ipfi la Mudzimu li tshi vhonadzwa.

¹⁶⁵ Zwino, vhatu ñamusi, a vha tendi uri hu na tshithu tsho raloho sa ndovhedzo ya Muya Mukhethwa. Idani hafha kana huñwe fhethu hune vha na Muya Mukhethwa, huno vho vthona pfulufhedziso ya Mudzimu i tshi vuledzea kokotolo, mulandu, “Dzanga nngu dzi pfa ipfi Langa.” Dzi a ñivha mubvumo wa iyo phalaphala ngauri ndi Bivhili. “Yesu Kristo a sa shanduki mulovha, ñamusi, na lini na lini.” U kha di vha Vhahevheru 13:8, kokotolo.

¹⁶⁶ A thi na ndavha, zwino, a zwi iti na phambano ñukhu uri ndi ñanga ngana dza tshivhidzo dzi lilaho. Ri na ñanga nnzhi dza zwivhidzo, ni a ñivha, dzi khou tzhema kha tshiñwe na tshiñwe, dzi tshi ri, “Oo, mađuvha a madembe o fhira. A hu na tshithu tsho raloho sa phodzo Khethwa.”

¹⁶⁷ Oo, nngu ya vhukuma a i thetshelesi hezwo. Fhedzi vha thetshelesa i la phalaphala, iyo phosethivi.

¹⁶⁸ Iyo ñanga ya tshivhidzo i nga lidza tshiñwe na tshiñwe. Ni nga... Lavhelesani zwine ya vha nazwo ñamusi, ñanga ya tshivhidzo. Inwe i khou tshimbila nga *heyi* ndila, huno inwe i khou tshimbila nga *ila* ndila. Huno diabolo u di dzulela murahu, a tshi ri, “Mutukana, vha sokou lwa nga tshawho. Ndi zwenezwo fhedzi. A thi tei na u tshimbida tshanda tshanga.”

¹⁶⁹ Fhedzi, mukomana, irani vhoñthe vha farane nga tshiñwe tshifhinga, vha vhuye kha ngona dzi fanaho. Yawee, nn̄e nn̄e! Zwenezwo ni khou ya u vthona “a yaho phanda, maswole a Vhakriste,” ndi zwone, hu si u thetshelesa ñanga, fhedzi u thetshelesa phalaphala.

¹⁷⁰ Kha ri tou ima, lwa minete fhedzi, huno ri humele murahu nahone ri lavhese kha vha si gathi zwino. Ri khou lugela u vala zwino, ngauri a thi ñodi u ni fareledza lwa tshifhinga tshilapfu. Fhedzi kha ri ye murahu ri lavhelese kha vhañwe vho pfaho uyu mubvumo. Kha ri dzhie... Nahone vho vha na vhuñanzi.

Zwino, ndo ni sumbedza tshiñwe na tshiñwe tshi si na vhutanzi. Kha ri tou dzhia mvumbo nthihi ya kale, lwa tshikhalañana.

¹⁷¹ Kha ri dzhiye muporofita Yobo. Zwino, uyo munna o fhira nga kha mulingo, fhedzi o zwi ñivha uri Mudzimu o ɯoda tshiñhavhelo. Ndi zwe Mudzimu a ɯoda, nahone ndi zwenezwo fhedzi zwine A ɯoda. Huno hu si na ndavha uri ho itea khombo nngafhani hayani hawe... Mudzimu ha dzuleli...

¹⁷² Musi ni tshi vhona tshiñwe tshithu tshi sa khou tshimbila zwavhuđi kha muñwe, izwo a zwi ambi uri u khou rwiwa nga Mudzimu. Zwi nga ñi vha uri o bva lufunoni lwa Mudzimu. U ya zwi ñivha mbiluni yawe uri u khou thetshelesa phalaphala kana hai.

¹⁷³ Mudzimu o ɯoda hetshi tshiñhavhelo, huno Yobo a tshi ita. Ndi zwenezwo. Vha ri, "Yobo, ni muitazwivhi wa tshidzumbe. Ni khou ita tshinwe tshithu tsho khakheaho." Fhedzi o ñivha khwine. O dzula thwii heneffo, ngauri o vha o pfa mubvumo wa phalaphala, a dzula thwii heneffo nayo.

¹⁷⁴ Huno, mafhedziseloni, heneffo fhasi kha magumo a u fhedza, o vha a... Ene diabolo o vhofhololwa khae, huno a dzhia muña wawe, nahone a dzhia vhana vhawe, a dzhia gamela dzawe, nahone a dzhia lupfumo lwawe lwoþe, nahone a hotefhadza mutakalo wawe. A dzula kha thulwi ya miora. Zwi tshi vhonala u nga ri tshiñwe na tshiñwe tsho lovha. Fhedzi a ñivha a tshi khou ri, "Ndi a ñivha uri Mulamuleli wanga u ya tshila. Nga maduvha a u fhedza U ðo ima kha liphasi. Naho mbungu dza lukanda dza tshinyadza hoyu muvhili, naho zwo ralo ñamani yanga ndi ðo vhona Mudzimu." A hu na tshi si na vhutanzi nga ha hezwo, na tshi hone? Hu si, "Ndi—ndi—ndi—ndi nga ndi a humbula uri U ya tshila." A ri, "Ndi a zwi ñivha uri U a tshila, nahone U ðo ima nga maduvha a u fhedza kha liphasi. Naho mbungu dza lukanda dza tshinyadza hoyu muvhili, naho zwo ralo ñamani yanga ndi ðo vhona Mudzimu." Yawee, nñe nñe! Zwo itea. O vha a na vhutanzi nga maanda.

¹⁷⁵ Abrahamu, nn̄da a tshi khou tshimbila tsimuni línwe ñuvha, a pfa Mudzimu a tshi ri, "Abrahamu, ndi khou ya..." A tangana na Abrahamu phanda ha Ipfi lo ñwaliwaho, huno A ri, "Abrahamu, ndi khou ya u u ñha murwá nga mufumakadzi wau, Sara." Huno o vha a na miñwaha ya furathi-ðhanu nga vhukale nga itsho tshifhinga, huno Abrahamu a na ya fusumbe-ðhanu. Huno vha mu lugisela, nahone o vha a sa niwi nga ñtoni u mu ñanziela. O vha a tshi zwi ñivha uri u khou ya u vha na murwa.

¹⁷⁶ Huno Bivhili i ri, "Ha ngo tendeleka kha pfulufhedziso ya Mudzimu nga kha u sa tenda, fhedzi o vha a tshi kholwa zwa vhukuma." Amen. A tshi kholwa zwa vhukma, izwo zwi amba uri o swikelela ñhodea khulwane. Amen. Ndi zwenezwo, ñhodea khulwane ndi magumo a ndila. Ndi tshithu tsha u fhedza. Ndidi—ndi zwenezwo zwatsho zwoþe.

A ri, “Ndi a kholwa tshothe u ri, zwe Mudzimu a fulufhedzisa, Mudzimu u ya kona u zwi bveledza.”

¹⁷⁷ No ralo, madekwana a namusi, naa ni a kholwa tshothe uri yyu ndi Muya Mukhethwa? Naa ni a kholwa tshothe, iyi ndi yone ndila? Naa ni a kholwa tshothe, ndi Ene Mufhodzi? Naa ni a kholwa tshothe uri U khou vhuya hafhu? Naa ni a kholwa tshothe uri Ha shanduki mulovha, namusi, na lini na lini? [Tshivhidzo tshi ri, “Amen.”—Mudz.] Amen. Ndi a kholwa tshothe! Ee.

¹⁷⁸ Kha ri dzhie muñwe, Eliya, o ima heneffo n̄tha ha thavha. O vha o vha na khudano na Isabele na tshifhañwo tshawe tsho penndiwaho, huno o vha a tshi vho thoma u neta ngazwo. Nga ha vhasadzi vhothe vha tshi vho edzisela mufumakadzi wa u thoma, khamusi tshitaela tsha mavhudzi a khele na tshiñwe na tshiñwe tshe vha vha natsho nga ilo duvha. O vha o no zwi sasaladza nga maanda u swika zwi—zwi tshi vho mu silinga.

¹⁷⁹ Thwiii, Mudzimu vha ri khae, “Itsa fhasi heneffo. Ni a ñivha, i na luno swika maðuvha mavhili kana mararu nga vhege, u mona heneffo. Fhedzi ni ime phanda ha Ahaba, huno ni mu vhudze, ‘A RALO MA AMBA MURENA. Na ñwando a u nga wi u bva ñaqulu u swika ndi tshi u vhidza.’” Yawee, nñe nñe!

¹⁸⁰ Ha ngo ri, “Zwino, Ahaba, khañwe, khañwe zwi nga shuma nga heyi ndila.” Oo, hai. O vha a tshi kholwa tshothe, hu si na tshi si na vhutanzi. “Nwando a u nga wi, mvula a i nga di, u swika ndi tshi i vhidza.” Amen. Vhugala! Oo, ndi ngani? O pfa phalaphala. Yo vha i na vhutanzi. O ñivha Mudzimu wawe. O zwi ñivha uri tshiñwe tshithu tshi do ralo, musi Mudzimu a tshi amba helo Ipfi, mañadulu othe na lífhasi a do lovha u swika zwi tshi—tshi itea, zwi ñ tea u itea. O vha o kholwa tshothe.

¹⁸¹ Zwino, A ri, “Eliya, ndi khou ñoda u tshi gonya n̄tha heneffo fhethu ho omesaho kha shango, u gonye n̄tha ha thavha hu si na zwisima. Fhedzi ndi na tshiñwe tshau.”

¹⁸² O vha a tshi kholwa tshothe. A gonya n̄tha ha thavha huno a dzula fhasi nga kha tthisima Cherith. “Huno zwino ndi khou ya u itani hafha n̄tha?”

“Ndo no laela maanga uri a u kanzwe.”

¹⁸³ “Zwino, naa maanga a khou ya . . . Zwino, ima lwa minete, Murena”? Hai, hai. Phalaphala yo lila. Zwo edana. “Naa zwi khou ya u itea hani? A thi ñivhi. A thi na ndavha. Ni a vhona? A si zwanga u whilaela nga hazwo. Ndi mushumo wa Mudzimu. O amba uri O laya maanga.”

¹⁸⁴ “Zwo ralo, Murena, naa U nga zwi bvisela khagala kha nñe, huno u tou mmbudza hune ayo . . . ndi tshifhio tshikolo tshe ayo maanga a dzhena heneffo, u guda u amba Tshihevheru? Naa ndi lushaka lufhio . . . Naa a bika nga tshitofu tsha gese, kana a na mulilo wa khuni, kana a zwi itisa hani? Huno naa a do . . . Naa ndi lushaka lufhio lwa tshipuka tshire a do vhulaya? A tou

vha tshinoni tshituku. Naa a khou u mbulayela hani kholomo, u disela sangwedzhi ya kholomo?" Ni a vhona? Ni a vhona? Iyo yo vha i si mbudziso.

¹⁸⁵ Mudzimu, yone—yone phalaphala ya Mudzimu, Ipfi Lawe la bvuma la ri, "Ndi nazwo!" (Husi, "Eliya, khañwe ndi nga zwi ita.") "Ndo no zwi ita." ("Ndi do zwi ita.") "Ndo no zwi ita kale." Amen.

¹⁸⁶ Ndi Mudzimu washu, madekwana a ñamusi. Hu si, "U do zwi ita." O no zwi ita kale. Amen. O no zwi ita kale. Amen. Hu si, "U do ralo; A nga kha; nga khonadzeo U do ralo." O no zwi ita kale. "Ndo no laela maanga."

¹⁸⁷ O laya Muya Wawe kha vhathu vhothe. O laya phat hutshedzo Dzawe. O gonya N̄tha, huno a fha zwifhiwa kha vhathu. Muñwe muthu u khou ya u zwi wana. Muñwe muthu u khou ya u zwi landula. A si mushumo wanga uri zwi ða hani. Zwi tou vha uri zwi a swika heneffho. Mudzimu o amba uri zwi ðo ralo, nahone zwe ralo. Petro o ri, nga Duvha la Pentekoste, "Shandukani, muñwe na muñwe wa vhoinwi, huno ni lovhedzwe, nga Dzina la Yesu Kristo u itela u hangwelwa zwivhi, huno ni ðo tanganedza tshifhiwa, Muya Mukhethwa." Naa zwi khou ða hani? A thi divhi. "Yone—yone pfulufhedziso i kha vhana vhanu, na avho vha re kule, na vhanzhi vhane Murena Mudzimu washu a ðo vha vhidza." Zwino, ni nga si kone u zwi sasalandza. Phalaphala yo no di lila kale, nahone ndi a zwi tenda. Ndi a zwi thet shelesa, nahone ndi nazwo. Amen. Lingedzani u ntsatsalandza khazwo luthihi. Amen. Oo, a tho ngo khunyelela. Hai.

¹⁸⁸ U fana na uvho vhusiku, khaladzi wa kale wa murema, o ri, "Muhulwane, naa ndi nga ñea vhutanzi?"

"Ee, vhomme."

¹⁸⁹ A ri, "Ndi khou ðoda u amba hetshi tshithu." A ri, "A—a—a thi zwine nda khou ðoda u vha." Huno a ri, "A thi zwine nda khou ðoda u vha. Fhedzi, hu na tshithu tshithihi tshine nda ðivha, a thi zwine ndo vha ndi tshi anzela u vha."

¹⁹⁰ Ngauralo, izwo, ndi nga ndila ine ra di pfa ngayo zwino. A thi zwine ndo vha ndi tshi anzela u vha, ngauri ndo tshidzwa madekwana a ñamusi, nga tshilidzi tsha Mudzimu, huno nda tanganedza ndovhedzo ya Muya Mukhethwa, nga kha thendelo. Wo vha wo sheliwa nga Duvha la Pentekoste, pfulufhedziso yo ñewa, nahone ndi a i tenda. A hu na tshi si na vhutanzi. Ndo pfa mubvumo. Ndo zwi thet shelesa, nahone ndi na vhutanzi uri ndi zwine zwa vha. Zwa vhukuma. Ndi a zwi ðivha uri zwe ralo. Zwa vhukuma.

¹⁹¹ Simoni, mukalaha wa i no swika fumalo nga vhukale, miñwaha ya madana u bva tshe muporofita a vha kha lifhasi, fhedzi a tshi tshimbila u mona na tshirunzi tshavhuði. Wone Muya Mukhethwa wa amba nae liñwe ðuvha, a ri, "Simoni, ni a

divha, a ni khou ya u fa u swika ni tshi vhona tshidzo ya Murena.”
Vhugala!

¹⁹² Khañwe tshifhe muhulu, a tshi khou gama ndebvu dzawe lu si gathi, huno a ri, “Simoni, ni tea u gama ndebvu dzanu nga thungo.”

A ri, “Izwo a zwi iti na phambano na nthihi.”

“Naa ni zwi ñivha hani u ri ni kha zwone?”

“Muya Mukhethwa wo mmbudza nga u ralo. A thi nga fi.”

¹⁹³ “Mulandu, Simoni, mulandu, ni khou . . . Mulandu, no lugela u fa zwino.”

¹⁹⁴ “Oo, a thi na ndavha na zwine na amba. Fhedzi Mudzimu o mbudza uri a thi nga vhone lufu u swika ndi tshi vhona tshidzo Yawe. A hu na tshi si na vhutanzi. A thi nga fi. Ndi nga si vhone lufu u swika ndi tshi Mu vhona.” Amen. Ndi zwenezwo.

“Naa ni khou ya u zwi ita hani, Simoni?”

“Ndi, hezwo a si mushumo wanga.”

“Naa U gai, Simoni?”

“A thi ñivhi.”

“Ni zwi ñivha hani uri ni khou ya Mu vhona?”

¹⁹⁵ “Mudzimu o amba nga u ralo. Ndi zwenezwo. Ndi Ipfi. a thi khou ya u vhona lufu u swika ndi Mu vhona.” Yawee, nne nne!

¹⁹⁶ “Oo, muthu wa kale a þungufhadzaho. A hu na zwinwe, o þangana þohoho, ni a ñivha. Ngauralo itanu mu litsha a ethe.”

¹⁹⁷ Fhedzi o Mu vhona, naho zwo ralo. Ee, munè wanga. Mudzimu u ya ita ndila kha avho vhathu vhane vha do dzhia Ipfi Lazaw.

¹⁹⁸ Yesu, musi O vha A fhano kha lifhasi, huno O vha o ima benefho kha vhidà la Lazaro.

¹⁹⁹ Kana, phanda ha izwo, musi O vha a kha nyambedzano na—na vhathu, nga ha u amba nga zwe Ene, musi a na fuiña nga vhukale, huno A ri O vhona Abrahamu. Ni dzhieila nzhele uri o vha A wa phosithivi hani? A ri, “Phanda ha musi Abrahamu a tshi vha, NDI NNE. NDI NNE.” Hu si, “Ndo vha, kana ndi do vha.” Fhedzi, “NDI NNE. Ndi phosithivi.”

²⁰⁰ Zwenezwo, A ri, kha vhidà la Lazaro, phanda ha musi A tshi tsa fhasi benefho, A ri, o vhudza Marija, A ri, “Ndi nne mvuwo, hone Vhutshilo.” Hu si, “Ndi tea u vha, kana ndi do vha.” Fhedzi, “NDI NNE.” Amen.

²⁰¹ “Khaladzi anga, arali no vha ni fhano, o vha a tshi do vha a songo fa. Fhedzi na zwino, Murena, tshiñwe na tshiñwe tshine Wa humbela Mudzimu, Mudzimu u do U nea tshone.”

A ri, “Khaladzi aña u do vuwa hafhu.”

²⁰² “Oo, u do vuwa nga ḋuvha ḥa u fhedzisela, kha mvuwo ya vhathu vhoṭhe. O vha a mutukana wavhudzi. Ee, ndi a tenda uri u do vuwa.”

²⁰³ Fhedzi Yesu a Mu bvisela khagala zwiṭuku, ene mune, n̄tha, a ri, “Fhedzi ndi nne mvuwo na Vhutshilo.” Hu, “Ndi do vha; ndi tea u vha,” kana zwiñwe zwinzhi. “NDI NNE.” A hu na tshithu heneffho, a hu na tshithu tshi lepa-lepaho, u dzinginea nga ha izwo. A hu na tshi si na vhutanzi. Ho vha hu phosithivi.

²⁰⁴ “Ndi nne mvuwo na Vhutshilo. Ane a tenda kha Nne, naho o fa, naho zwe ralo u do tshila. Muñwe na munwe a tshilahlo huno a tshi tenda kha Nne ha nga lovhi.” Hu si—si, “A vha nga ralo. Khanwe a vha nga do ralo.” “A vha nga ralo. A—a huna tshi si na vhutanzi nga hazwo. A vha nga fi.”

²⁰⁵ “Uyo ane a pfa Maipfi Anga nahone a tenda kha Uyo we a Nthuma u na Vhutshilo tshoṭhe, nahone ha nga vhuyi a da kha Khaṭhulo, fhedzi o no ṭahekanya u bva lufuni u ya Vhutshiloni.”

²⁰⁶ “A vha nga ḫi kha Khaṭhulo”? A vha nga ḫi kha Khaṭhulo. Amen. O dzhia Khaṭhulo yanga. A thi na mushumo heneffho. Amen. Khezwo heneffho. “No bva lufuni u ya Vhutshiloni.” Oo!

²⁰⁷ Zwino o ri u ya zwi tenda. Zwino, Yesu ha ngo vhuya a ri, “Zwo ralo, ni a divha, zwi tshi vha uri ni a tenda hezwo, nahone ni a divha uri ndi Ipfi, huno—huno ndi—ndi . . . Ni a divha uri ndi Ene ane a tea u da. No bula hezwo. Ni a zwi tenda. Ndi do ni vhudza zwine ra ḫa ita. Kha ri ye ri wane vhahulwane, huno ri tse fhasi ri vhona arali ri tshi nga ita tshinwe tshithu nga hazwo.” Hai, hai. A ri, “Ndi do . . .” Hu si, “u tsa fhasi huno ra *vhone* arali ri tshi nga mu vusa.” “Ndi do ya nda mu vusa.” Amen. Hu si, “Ndi do lingedza—ndi do lingedza.” “Ndi do ralo.” A hu na tshi si na vhutanzi. Ho vha ḫu si na mubvumo u si na vhutanzi, musi A tshi ri, “Ndi do ralo. Ndi do ralo.”

²⁰⁸ Huno Onoyo muthihi o ri, “Ndi do ralo,” ndo ni fha pfulufhedziso. Haṭeluya! Yawee, nne nne! Amen.

“Ndi do ya nda mu vusa.”

²⁰⁹ Hafhu A ri, “Thuthani heyi thembele, huno ndi do vhona zwine nda nga ita nga hayo”? “Ni thutha heyi thembele, huno ndi do i vusa hafhu nga maḍuvha mararu.” A hu na tshi si na vhutanzi. “Zwino ndi do lingedza. Noṭhe ni nga diima u mona na vhona arali ndi tshi nga zwi ita kana hai”? Aa, hai. “Ndi do i vusa.” A hu na tshi si na vhutanzi. “Ndi do I vusa. Ni—ni i thuthe; Ndi do i vusa.” Yawee, nne nne!

²¹⁰ Ndi ngani? O zwi ḋivha uri O vha a ene Muthu, kha Luñwalo, we Davita a amba nga haye. “A thi nga litshi maya Wawe ngei vhudzulavhafu, nahone Ndi nga si tende Uyo mukhethwa Wang a tshi vhona u sina.” Huno O zwi ḋivha uri O vha o katelwa kha iyo pfulufhedziso ya Luñwalo, zwenezwo-ha O vha a phositivi.

²¹¹ Zwino, naa na riñe ri nga si vhe phositive? Ri a Mu dzhia, sa tsumbo, kha zwiñwe zwithu. Tenda fhedzi Ipfi la Mudzimu lo zwi amba, naa ri nga si vhe vha phositive nga ha Ipfi vhunga O vha o ralo nga halo?

²¹² “Ndi nñe muwo na Vhutshilo.” “Ndi do i vusa hafhu.” Amen. Ndi ngani? O zwi ñivha uri Ipfi lo ambà nga hazwo, huno O vha a na vhuñanzi uri li do bvelela.

²¹³ Arali ndi uyo muthu nga hangei kha Yohane 5:24, “Uyo ane a pfa Maipfi Anga nahone a tenda kha Uyo we a Nthuma, u na Vhutshilo tshoþhe, nahone ndi do mu vusa hafhu nga maðuvha a u fhedza. Ha nga di kha Khaþhulo; o ñahekanya u bva lufuni u ya kha Vhutshilo.” Ndi—ndi riñe. Huno zwino ri khou ofha mini? Thaidzo ndi mini?

²¹⁴ Naa zwi ita phambano ifhio uri no ambara dzina lifhio? Ni ñivhidza *hezwi*, *zwila* kana *tshinwe*. Ri vhana vha Mudzimu, nga tshilidzi tsha Mudzimu. Ro ñadzwa nga Muya Mukhethwa, nga tshilidzi tsha Mudzimu. Naa zwi ita phambano ifhio nga ha uri kana *itshi* ndi *tshiila* kana *tshiila*, arali a Muphuresibetheriene, Methodisi, Baphuthisi? Arali o ñadzwa nga Muya Mukhethwa, u na Vhutshilo ha muwo khae. Amen. Ee. Zwino, nga ñuvha laPentekoste...

²¹⁵ Yesu o vha vhudza, kha Luka 24:49, “Vhonani, ndi rumela pfulufhedziso.” Hu si, “Ndi nga kha di. Ndi do vhona zwine nda nga ita.” “Ndi do rumela pfulufhedziso ya Khotsi Anga kha inwi. Fhedzi iyani nña hangei doroboni ya Yerusalem nahone ni lindele u swika ni tshi ñadzwa nga maanda.”

²¹⁶ Zwino, mini-ha arali vha lindela, vha ri, oo, maduvha a rathi, vha ralo, “Naa ri khou lindela kha mini? Ndi a tenda ri tea u zwi ñanganedza nga lutendo. Naa a ni humbuli nga u ralo?”

²¹⁷ Mini-ha arali Yakobo o ri, nga lone—nga lone ñuvha la vhuñuhe, a ri, “Simoni, idani hafha lwa minete. Ni a ñivha, liñwe ñuvha ndo vha na vhuñipfi hu so ngo ñoweleaho. Ni a vhona? Huno ni a ñivha zwine nda tenda? Ndi—ndi—ndi a tenda uri U tou vha a sa ri ñodi ri tshi lindela u mona na hafha. Ndi a tenda uri ro—ro no vha nawo. Naa a nu humbuli nga u ralo? Kha ri bvela phanda na mishumo yashu. Kha ri bvele phanda na vhushumeli hashu”? Oo, zwe vha zwi tshi do vha zwi so ngo itea.

²¹⁸ Ndi nagni? Vho zwi ñivha uri muporofita o ri mini. Zwino thetselesani. Ene mporofita o ri, “Muhumbulo kha muhumbulo, mutalo u tea u vha kha mutalo, kha mutalo; hafha zwiñuku huno henefho zwiñuku.” “Farelelani no khwaþha kha izwo zwi re zwivhuya.” “Ngauri nga ndimi dzi na malimi na dziñwe ndimi ndi do amba na havha vhatu. Huno hovhu ndi vhuawelo, savhatha.” Vho zwi ñivha uri tshiñwe tshithu tshi tea u itea musi Tshi tshi ña.

²¹⁹ “Ndi do shela Muya Wanga maðuvhani a u fhedza.” Yoele 2:28, “Zwi do ña zwa vuledzea maðuvhani a u fhedza, u ralo

Mudzimu, Ndi do shela Muya Wanga kha nama yothe, huno vharwa na vhanyana vhanu vha do porofita. Kha vha shumeli vha vhanna na vha vhasadzi Ndi do shela Muya Wanga, nga ilo duvha. Ndi do sumbedza zwiga mañadulu n̄tha na—na kha lifhasi dasi, na mulilo, na vhutsi, na ludi.”

²²⁰ Vho zwi divha uri hu tea u vha na tshiñwe tshenzhemo tshire tsha fhelekedza uyo Muya Mukhethwa. Vho vha vha sa khou dzhia mubvumo u si na vhutanzi. Fhedzi musi vha tshi pfa uri tshiñwe tshithu tsho itea, huno vha vhona vhutanzi ha Bivhili vhu tshi tshimbila natsho, vho vha vha si na vhutanzi. Heneffo zwiçaratani vha ya. Ni mpfarele. Yawee, nne nne! Vho vha vha na vhutanzi uri ho vha hu Muya Mukhethwa.

²²¹ Ni a ñivha uri vho vha na vhutanzi zwi ngafhani? U swika, Petro, uyo muthu muñuku a songo funzeaho, vha fhufhela kha tshiguthe kana bogisi, kana huñwe fhethu, a ri, “Vhoiñwi vhathu vha Judea,” na khana ñukhu yo bvela nn̄da u nga gukulume. A ri, “Vhoiñwi vhathu vha Judea, vhoiñwi vhane na dzula Yerusaléma! Ndo vha ndi tshi ni ofha, tshifhinganyana tsho fhiraho; a thi ralo, zwino. Irani hezwi zwi ñivheye kha vhoiñwi, nahone ni pfe maipfi anga. Havha a vho ngo kambiwa sa zwine na humbula zwone. Fhedzi hezwi *ndi Hezwila*.” “Ri *fulufhela* uri hezwi *ndi Hezwila*”? “Ri *tenda* uri hezwi *ndi Hezwila*”? A ri, “Hezwi *ndi Hezwila* zwe zwa ambiwa nga muporofita Yoele.” Haleluya! A hu na tshi si na vhutanzi nga hazwo. “Hezwi *ndi Hezwila* zwe zwa ambiwa nga muporofita Yoele.” Yawe, nne nne!

²²² Yesu a ri, kha Mariko 16, o tendela Tshihvidzo Tshawe, “Iyani mashangoni oþhe, ni rere mafhundo madifha.” “Khañwe hezwi zwiga zwi tea; zwi do, luthihi nga murahu ha tshifhinga, khañwe”? “Zwi do tevhela havho vhane vha tenda. Izwi zwiga zwi do tevhela avho vhane vha tenda. Dzinani Langa vha do pandela vhodiabolo. Vha do amba nga ndimi ntswa. Arali vha dzhia mañowa kana vha ñwa zwi vhukayaho, a zwi nga vha vhaisi. Arali vha tshi vhea zwanda zwavho kha vhalwadze, vha do fhola.” Hu si, “Khañwe.” “Vha do ralo. Hezwi zwiga zwi do vha tevhela vhane vha tenda.”

²²³ Irani ndi zwi vale, nga u amba hezwi, murathu, khaladzi, lwa minete i si gathi i daho. Ndi a zwi tenda. Ndi a tenda uri tshiñwe na tshiñwe, tshiñwe na tshiñwe tshi hanedzanaho na Izwo, a si tshone. Ndi a tenda, tshiñwe na tshiñwe tshire tsha lwa Natsho tshi do wa. Ndi a tenda, a thi na ndavha uri ndi vhukomunisi vhungana, kana ndi *idziism* nngana na *idzo* ism, na vhukereke na Vhuroma, na zwiñwe zwoþhe, Vhuamerika na tshiñwe na tshiñwe tshi do wa.

²²⁴ Fhedzi heþo Ipfi li do ima lwa U Ya Nga Hu Sa Fheli, ngauri ndi Ipfi. Huno phanda ha musi li tshi vha Ipfi, lo do tea u vha muhumbulo. Huno ipfi ndi muhumbulo wo bviselwaho khagala.

Huno Mudzimu, ngei kha U Ya Nga Hu Sa Fheli, zwo da kha muhumbulo Wawe. O bvisela khagala mihumbulo Yawe. Zwa mbo vha Ipfi, huno Ipfi li tea u vhonadzwa.

²²⁵ Ndi yone mbuno, musi A tshi amba nga ha Mesia, hu do tea u da Mesia. O amba uri hu do vha na Tshivhidzo nga mađuvha a u fhedza, tshi si na tshilavhi kana dondo khatsho; hu do vha na Tshivhidzo henefho. Halleluya! O zwi amba. Ndi dzhia Maipfi Awe. Ndi a zwi tenda.

²²⁶ Ndi a tenda uri O fulufhedzisa Muya Mukhethwa kha mutendi muňwe na muňwe a ne a do tenda. Ndi a tenda Petro, nga Duvha la Pentekoste, musi a tshi funza uyo mulaedza wa maanda, huno a vha vhudza vhothe uri vha shanduke nahone vha lovhedzwe, uri hezwi zwiga zwi do da, na *hezwi*. “Nnyi na nnyi ane a vhidza Dzina la Murena u do tshidzwa.” Ndi a tenda uri ndi Ngoho; ndo ima khazwo. Ndo zwi vhona zwi tshi divhonadza.

²²⁷ Ndi a zwi divha uri ndi khou lwa nazwo. Nahone ndi a zwi divha uri ndi khou to lingedza u ita maga. Phanda ha musi ndi tshi ita maga, ndi tea u tumula tangle iňwe na iňwe, greenbrier, na tshiňwe na tshiňwe, u zwi bvisa ndilani. Fhedzi tshifhinga tshoňhe ni tshi ita liga, ni khou bvela phanda. Amen. Itanu dzhia lufhangna ni tumule.

²²⁸ Vhunzhi hanu ni a humbula Paul Rader, khonani yavhudzi nga maanda. Ndo vha ndi tshi tou vha mutukana wa mureri, ſwana. Ndo vha ndi tshi anzela u ya ntha kha Fort Wayne, nda mu thetselesa, ngei Thaberenakeleni ya Rediger. Muthu muhulu! O vha a tshi do ya murahu, a gonyisa marukhu awe, huno a imisa zwanda zwave huno a tzhema sa tshivhingwi, huno ndo vha ndi tshi do humbula u ya nda fhufha nga kha phuluphithi. Musi a tshi do... Huno u do thoma na mulaedza, ee, kha Genesi, huno a fhedza nga Nzumbululo, murahu na phanda hoňhe. Paul o vha a muthu a mangadzaho.

²²⁹ A tshi khou amba liňwe duvha, a ri, “Ndo vha ndi tshi anzela u vha muhwali wa matanda ngei Oregon,” hune a bva hone. A ri, “Liňwe duvha, ni a divha,” a ri, “Ndo—ndo vha ndi tshi tou vha kha midavhi ya vhafunziruňwa, kule huňwe fhethu.” Ndi a hangwa zwino uri ndi gai. Huno o vha a tshi khou ita mushumo wa vhufunziruňwa.

²³⁰ O tenda kha Mudzimu, a tenda kha phodzo Khethwa. Huno Paul o ri, hanefha hune tshivhidzo tsha shango tsho ima hone ñamusi, a ri, “Arali ndo rengisa mulaedza wanga wa tshilidzi kha Vhapentekosta la vhatswuku, madzuloni a u ita zwe nda ita hafha na vhoiwi tshigwada,” a ri, “huno nda divhangela mbilaelo, nda vhidzwa fhethu na zwigidi zwa zwigidi zwa tshikolodo tsha dolara. Ndo vhilaedza u swika ndi tshi vha na pfuko, huno ndi tshi khou fa zwino. Arali ndo rengisa mulaedza wangawa tshilidzi kha Vhapentekosta la vhatswuku, Mudzimu o vha a tshi do mphaňutshedzela zwinzhi ngazwo.” Ndi zwone.

²³¹ O ri o vha a fhasi heneffo kha—kha maṭaka, huno a na mukhushwane kana tshiñwe tshithu. Zwo vha zwo vhifha nga maanda. Huno o vha a nnda maṭakani, nahone mutendi o khwaṭhaho kha phodzo Khethwa. Huno a ri a ḥaṇa u lwala na u lwala. A rabela, na u rabela. Huno vhañwe vha vhafunziruñwa vha ri vha khou ya u dzhia tshikwekwete vha ḥoda dokotela. Mulandu, zwi do vha dzhiela mađuvha u wana dokotela. Huno a ri, “A—a... Ni songo ita hezwo. Itanu nnditsha.” A ri, “Arali Mudzimu a sa mphodzi, zwenezwo ndi khou ya Hayani.”

²³² Huno ngauralo a ri mufumakdzi wawe a dzula lufherani naye. Ha dzulela u swifhala na u swifhala. Huno a ri o vhidza mufumakadzi wawe, a ri, “Mufuñwa, dzhiani tshanda tshanga.” A ri, “Itanu bvela phanda na u nthabelela. Hu khou swifhala zwino.” A ri, “Ndi—ndi a tenda uri mirunzi i khou nngwela.” A ri, “Farani... Itanu fara tshanda tshanga huno ni rabele, musi ndi tshi ṫuwa.” A qivhudza, u ṫangana na Mudzimu.

²³³ Huno a mbo di tou wela kha khofhe khole-khole. Huno a ri o ḥora a murahu hafhu ngei Oregon hafha, sa muthannga muswa, a tshi vhaḍa matanda. Huno a ri muhulwane wa gammba a ri, “Paul, iya nga hafha n̄tha kha linwe sia ḥa tshikwara, huno u wise muri, wa tshikaloo tsha u ri.”

²³⁴ A ri a gidima n̄tha ha tshikwara na milenzhe yawe miswa, huno a remela muri fhasi, huno a u remeleta, a vheya mbado fhasi. A ri nga ndila ine uyo mupaini muñu, yawe i fhiraho, khulwane, mbado yo ḥutulwaho thungo dzithe ya dzhena kha uyo mupaini zwavhuḍi. Huno a ri o u fara, a elekanya, “Zwo ralo, ndi do tou hwala nda tsa na tshikwara.”

²³⁵ Wavhuḍi, munna o khwaṭhaho, a ri, “ndo vha ndi tshi anzela u pfumbudza u vheya magona anga fhethu huthihi, huno nda hwala nga muṭana, tshipida tshihulu tsha munna.” Misipha yawe yo vha i kha muṭana wawe na zwanda, murahu ha milenzhe yawe. A ri, “Ndo vha ndi tshi do doba dannda lihulu,” nda li vheya kha mahaḍa anga, nda ṫuwa. Fhedzi a ri, “Ilo lo vha li dannda zwalo, fhedzi,” a ri, “Ndi tou...” [Mukomana Branham u kuḍa khudzaipfi—Mudz.] Ndi humbela mpfarelo. A ri, “Ndo vha ndi sa koni u takula ilo dannda.” Ndi humbela pfarelo.

²³⁶ A ri, “Ndo vha ndi tshi tou vha ndi nga si takule dannda.” A ri, “Nda pepeleka, nahone nda pepeleka huno nda lingedza u li doba, huno ndo vha ndi nga si zwi kone.” A ri, “Nda fhedza maanda anga othe kha nñe.” A ri, “Ndo vha ndi nga si kone u takula ilo dannda.” Huno a ri, “Mafhedziseloni, nda fhela nungo, nda tou dzula ndo gogodela huno nda thoma u phumula biko. Ndo vha ndo tou neta.”

²³⁷ Huno a ri, “Nga murahu ha tshifhinganyana, nda pfa ipfi la muhulwane wanga.” Fhedzi a ri, “Lo vha li ipfi ḥa vhuḍisa ḥe nda vhuya nda li pfa.” Huno a ri, “Musi ndi tshi rembuluwa, ipfi ḥa ri kha nñe, ‘Paul.’ Huno nda ri, ‘Ee, muhulwane, naa ndi

mini?" A ri, 'Ndi ngani ni tshi ṭoda u li hwala?" A ri, "'Zwo ralo, wo ndaya uri ndi li dise fhasi kha khemphe, huno ndo tou dinetisa, ngalo. Ndi tou—ndi tou vha ndi nga si zwi ite, vhasa.' A ri, 'Paul, naa a ni vhoni ukwo kudambwana kwa madi ku elelaho *heneffo*?' A ri, 'Ee.' A ri, 'Hokwo kudambwana kuḍa thwii kha khemphe. Ndi ngani u sa li posi madini, u fhufhele khalo huno u li gidimisele khempheni?' Nda ri, 'A tho ngo vhuya nda humbula nga ha hezwo.'

²³⁸ Ngauralo a tou li vhinḍulusela mađini, a fhufhela khalo, a ri, "Yawee, nne nne!" A thoma u hasha mađi, na u fhufha, na u tzhemha, ipfi ḥawē lothe, musi a tshi fhira nga kha ripples, na fhasi nga kha madi, na tshinwe na tshinwe, a tshi gidimisa heli dannda, a tshi tsa fhasi, a tshi tzhemha, "Ndi khou gidima khalo! Gidima khalo!"

²³⁹ A ri, tshitihu tsha u thoma, a vhuya murahu kha ene muñe, o vha a heneffo vhukati ha luvhondo, na mufumakadzi wawe a tshi khou mu ḥavhela mukosi. O vha a tshi do tzhemha, "Ndi khou gidima khalo! Ndi khou gidima khalo! Ndi khou gidimela khalo!" Vhahashu!

Dzitshaka dzi khou kwashekana, Isiraele i
khou vuwa,
Zwiga zwe Bivhili ya bula;
Mađuvha a Vhannda o vhalawa, nga maṭhupho.
"Vhuyani, Oo no balanganaho, kha vhañu."

²⁴⁰ Hoyu Mulaedza wa Ipfi la Mudzimu ndi Ngoho. Tshilani kana ni fe, ndi khou tshimbila Khawo. A thi... A thi khou ḥaṭa nawo. A thi khou lingedza u ḥaṭa ngawo. Ndo tou dzhia, nahone ndi khou gidima khawo. Irani vhasasalandzi vha vuwe. Ndi do thuntsha gulu iñwe na iñwe. Ndi khou ḫa khempheni, iñwe la haya mađuvha, ndi tshi gidima kha Ipfi la Mudzimu. Amen. Ndi na vhuñanzi u swika heneffo.

Kha ri rabele.

²⁴¹ Naa ni nga pepelekela mini na muhwalo wañu wa tshivhi? Ndi ngani ni tshi nga vha kha tshimo tshire na vha khatsho, naa a ni ḫivhi he na ima hone, ni tshi gidima u bva kha tshivhidzo u ya kha tshivhidzo, na u bva fhethu u ya fhethu? Ndi ngani ni sa tou vheya, kha tshifhambano, madekwana a ḫamusi, huno na gidima kha Ipfi? Ndi ngani ni sa dzhii pfulufhedziso ya Mudzimu madekwana a ḫamusi na gimela nn̄da ha phusuphusu, u ya nn̄da kha lutombo luhulu, ho vuleyaho nga u ralo? Ni songo pepeleka nawo. Ni songo whilaela nawo. Itanu u tenda, ni u ḥanganedze. Ndi Muvhuso une u nga si dzinginyiswe. Gidimani khawo.

²⁴² Arali ni tshi khou lwala madekwana a ḫamusi, dzhiani pfulufhedziso ya Mudzimu, "Ndi nne Murena ane a fhodza malwadze au othe."

²⁴³ "Naa ndi khou ya u fhola hani, Mukomana Branham? Dokotela uri ndi na thaidzo ya mbilu, ndi na pfuko, ndi

na *hezwi*, *zwiła*, tshiñwe na tshiñwe tshine tsha vha tshone. Ndi dzinganđevhe, tshimuma. Ndi bofu.” Mini, naa zwi ita phambano ifhio? Itanu ḥanganedza pfulufhedziso ya Mudzimu huno ni gidime khayo.

²⁴⁴ Kha ri dzhie tshitanda tshihulwane, huno ri tshi ombele fhasi hafha, huno ri nwale khatsho, “Thabelo ya lutendo yo no rabeliwa madekwana a ɿamusi; ndi khou ya u gidima khayo. Yone Bivhili i ri, ‘Thabelo ya lutendo i ḥo tshidza mulwadze nahone, nahone Mudzimu u ḥo mu vusa. Arali o ita tshivhi, u ḥo hangwelwa tshone.’ Ndi khou gidima khayo. Ndi a i tenda.”

²⁴⁵ Arali no khakha, arali no bva ndilani madekwana a ɿamusi, “Uyo ane a dzumba zwivhi zwawe a nga si bvelele. Fhēdzi uyo ane a ḥo bula zwivhi zwawe u ḥo vha na khathutshelo.” Ndi ngani ni sa zwi buli?

“Zwo ralo, ndi fanela u ita mini, Mukomana Branham?”

²⁴⁶ Zwi buleni, zwenezwo ni gidime khayo. Mudzimu o amba nga u ralo. I ḥo ni bvisa heneffho kha zwivhi zwañu.

²⁴⁷ Naa uyo muthu u hone afha madekwana a ɿamusi, ane ha athu vhuya a vheya fulufhelo ḥawé la vhukuma kha Mudzimu u itela u tshidzwa ha maya wawe, huno ni nga takalela u eelwa thabeloni vhunga ri tshi vala? Naa ni nga imisa tshađa tshañu, na ri, “Nthabeleleni, Mukomana Branham. Ndi khou ḥoda u isa mbilaelo dzanga.” Mudzimu a ni fhaṭutshedze. Mudzimu a ni fhaṭutshedze. “Ndi khou ḥoda u isa...” Mudzimu a ni fhaṭutshedze, vhomme. “Ndi khou ḥoda u isa mbilaelo dzanga.” Mudzimu a ni fhaṭutshedze, murathu. Mudzimu a ni fhaṭutshedze murahu heneffho, mune wanga. Mudzimu a ni fhaṭutshedze, mufumakadzi muswa. Zwo luga. Ndi zwone. Mudzimu a ni fhaṭutshedze. “Ndi khou ḥoda u isa mbilaelo dzanga Khae huno nda tou gidima kha pfulufhedziso Dzawe zwino. Ndi a tenda uri O fulufhedzisa, ‘Uyo ane a ḥo ḥa kha Nñe, Ndi nga si mu pandele na khathihi.’”

²⁴⁸ “Hu si nga ndila ine nda dipfa, ‘ndo rabelelwa madekwe, Mukomana Branham; a thi pfi ndi khwine.’” Izwo a zwi na na mushumo na luthihi nazwo. A thi khou gidima kha zwipfi zwanga. Ndi khou gidima kha Ipfi ḥawé. Ndi pfulufhedziso Yawé.

²⁴⁹ “Mukomana Branham, ndo no vha kha aleṭari, luna kana luṭanu, ndi tshi lingedza u ḥanganedza Muya Mukhethwa. A thi ngo vhya nda u wana.”

²⁵⁰ Izwo a zwi ambi tshithu na tshithihi. Itanu dzula kha dannda, li ḥo ni disa thwii kha khemphe, kha khemphe ya Matanzhe, kha khemphe ya vhakhethwa. Ni ḥo swika heneffho. Itanu dzula kha dannda, huno ni tzhemé nahone ni ḥavhe mukosi wa dzithendo dza Mudzimu u ya nga hune ni nga kona. Ndi yone ndila ya u zwi ita.

²⁵¹ Musi ri na zwifhaṭuwo zwashu zwo kotama, naa zwa vhukuma ni khou Ქoda u gidima khayo? Zwenezwo, hetsho tshithu tshiṭuku tshire tsha khou kweta mbiluni yanu, naa ni nga Ქoda u da hafha na ima phanda ha aleṭari lwa minete na kha ri rabele huno ri vheye zwanda kha inwi? Ri nga takalela uri inwi ni de.

²⁵² Kha ri dzhie hetsho tshiñwe tshithu tshiṭuku tshe tsha vhewa mbiluni yanu madekwana a ḥamusi, huno ni ri, “Ni a ḥivha, no khakha. Zwino imisani tshanda tshañu.” Zwo luga.

²⁵³ No gonya kha dannda, dannda da pfulufhedziso Yawe; wone muri, tshifhambano tshe tsha remelwa fhasi. Vheani tshanda tshañu u mona na hetshi tshifhambano zwino. Thsimbilelani n̄tha huno ni ri, “Zwino ndi khou ya gidima khalo. Zwino ndi khou ya u zwi tenda. Ndi khou ya u zwi ṭanganedza. Ndi a zwi tenda. Ndi nga si vhuye nda shanduka. Ndi khou ya u dzula thwii na ilo Ipfi, u swika iyo i tshi khwathisedzwa. Huno nga murahu ha musi iyo yo khwathisedzwa, Ndi khou ya u swikelela nda wana inwe, huno nda thoma u gidima khayo.” Ni a vhona?

²⁵⁴ Huno ipfi nga ipfi, tshiṭepe nga tshiṭepe, ni do thuba zweṭhe zwe Mudzimu a ni fulufhedzisa. “Ngauri zwithu zweṭhe zwi a konadzea,” kha uyo ane a do gidima khadzo. Gidimani kha pfulufhedziso Dzawe, ngauri zwi na vhuṭanzi uri dzi do ni disa kha khemphe. Dzi do ni disa Vhuhoneni ha Mudzimu.

²⁵⁵ Naa ni do da zwino msi ri na zwifhaṭuwo zwashu zwo kotama? Huno ndi humbela nnyi na nnyi ane a do Ქoda u ima kha aleṭari, u itela tshikhalyana tsha thabelo.

²⁵⁶ “Ndi khou gidima khayo, Murena. Murena, ndi a tenda. U tima-tima hanga hoṭhe ho vhulungwa kha tshisima. Murena, ndi khou da. Ndi a tenda. Ndi khou dzhena kha Ipfi madekwana a ḥamusi, huno ndi khou ya u tenda nga mbilu yanga yoṭhe. Ndi khou dzhia Iwe kha Ipfi Lau.”

²⁵⁷ Muñwe mufumakadzi wavhuđi o ima hafha kha aleṭari, u—u khwathisedza kha Mudzimu u ri o ḥivhudza. Naa ni nga si de, vhane na vha na zwifhaṭuwo zwañu zwo kotama, na zwanḍa zwañu zwo imiswa, huno ni tshi Ქoda u elelwa thabeloni? Naa ni do tou da afha? Mudzimu a ni fhaṭutshedze. Itanu da n̄tha. Ndi zwenezwo. Idani n̄tha hunonime benefho. Ni ri, “Ndi khou ya u gidima khalo. Mudzimu, Wo ita pfulufhedziso, tshiñwe tshithu tsho kwama mbilu yanga, huno zwino ndi khou da u gidima kha izwo. Huno ndi khou ya u dzula khayo u swika i tshi disa khempheni. Ndi khou da fhasi kha khemphe ya vhakhethwa vha Ene wa N̄thesa.” Mudzimu a ni fhaṭutshedze. Ndi zwavhuđi. Idani zwino, vhoinwi vhane na Ქoda u gidima khayo. Nga ndila ine na vha ngayo, “Nga ndila ine nda vha ngayo, hu si na na u lila.”

²⁵⁸ Elelwani. Inwi ni ri, “Naa uyo ndi muri?” Ee. Ho vha hu na muri wo remiwaho, tshiñwe tshifhinga, huno wa imiswa hafhu

Khalivari. Itanu fhufhela kha muri madekwana a namusi, na pfulufhedziso ya Mudzimu, Ipfi le la vha lo nembelela kha muri.

²⁵⁹ Ndi khou gidima khalo. Ndi khou ya u li tenda, nga mbilu yanga yothe. Ndi khou ṭoda u ita u swika na kha u da hafha nda khađana na vhahashu.

²⁶⁰ Mudzimu a ni fhaṭutshedze, nga liga ḥanu. Ndi khou ṭoda ni tshi ima hafha, lwa tshikhalyana, musi ri tshi rabela. Mudzimu a ni fhaṭutshedze, mukomana wanga. Khaladzi anga wavhuđi, Mudzimu a ni fhaṭutshedze. Ene Murean Yesu . . . ? . . . Mudzimu a ni fhaṭutshedze, mukomna wanga. Mudzimu a ni fhaṭutshedze, khaladzi. "Nyendedze." A ni endedzele mulamboni.

²⁶¹ Elelwani, sa mudinda wa Krsito, ndi na vhudifhinduleli ha u funza Ipfi. Ndi na vhudifhinduleli ha vhutanzi hanga. Huno ndi ima afha madekwana a ḥamusi . . .

²⁶² Huno muthu wa minwaha ya fuṭhanu-ṭhanu, kana fuṭhanuraru, do vha na fuṭhanu-iṇa nga Lambamai, huno a ima hafha a divha uri, na kha bono la u fhedzisela, a nga di vha mađuvha anga a u fhedzisela kha lifhasi. Ndi—ndi nga di ni ṭutshela nga maduvha a si gathi. A thi divhi zwine zwa amba. Itanu thetshelesa theiphi huno ni vhe na phendelo yaṇu inwi muṇe. A thi divhi zwine zwa amba. Naa ndi nga ima hafha, huno nga kaṭukuṭuku ndi tshi tenda uri u nga divha mulaedza wanga wa u fhedza une nda do vhuya nda funza, ndi hanefha Phoenix, huno nda amba tshiňwe tshithu tsho khakheaho, huno ndi tshi zwi divha uri vhuyo hanga ho nembelela huṇwe seli, nahone ndi do haṭulwa nga maipfi anga?

²⁶³ Vhahashu, irani ndi ambe hezwi kha vhoiṇwi, na dzikhaladzi dzanga. No no vha kha miṭangano. Ni a divha uri mini, vhutalukanyi na zwithu. Naa ndo vhuya nda amba tshiňwe tshithu kha vhoiṇwi, nga Dzina la Murena, fhedzi zwe zwa vuledzeya? Ndi do vhudzisa muṇwe na muṇwe. Hai, muṇe wanga. U mona na shango, na mabono a zwigidi, a zwi athu vhuya zwa ralo. Huno ndi ni vhudza ngoho madekwana a namusi, one Malofha a Yesu Kristo a ya kona nga vhudalo u ṭanzwa dondo ḥinwe na ḥinwe, nahone zwi do vha nga u ralo.

Hu na tshisima tsho ḫalaho nga Malofha.

Huno ni khou ima Khatsho zwino.

A bvaho tsingani dla Imanuwele,

Tshithu tshi tshoṭhe tsho salaho kha lifhasi.

He vhaṭazwivhi vha mbwandamela fhasi ha
muđalo,

Xedza dondo ḥavho ḥoṭhe la mulandu.

²⁶⁴ Ndi khou ya u humbelo havha vhashumeli zwino, na vharathu, arali ni tshi do ḫela ngeno hu na avha vhathe. Nnyi na nnyi aye a vha ene . . . Naa iyo ndi ndila, ni vhidza vhashumeli uri vha de vha rabelele vhathe? Vhashumeli vhoṭhe hafha, vhave

vha ṭoda, vha na dzangaleo kha u vhona mimuya i tshi tshidzwa, idani ngeno huno ni ime sa tshigwada tsha thabelo, hune ri nga vha tshithu tshithihi, ra ṭutshela tshiñwe na tshiñwe, huno ra dikhetha. Havha vhanna na vhasadzi vhane vha khou pfuñela vhuyo havho, madekwana a ñamusi, nga Malofha a Yesu Kristo, u Mu dzhia kha Ipfi Lawe, vha tshi gidima u swika kha Vhuhone Hawe, kha Ipfi Lawe, huno vha ri, “Fhano ndi hone, Murena. A thi na tshithu tsha u nekedza fhedzi nne mune, huno ndzhiye.” Naa ni do da na ima navho, arali ni tshi do ralo? Nnyi na nnyi ane a do ṭoda, idani ni ime. Mudzimu a ni fhaṭutshedze, vhahashu. Izwo ndi zwavhuđi nga maanda. Ndi takalela u vhona vhanna vho khwaṭhaho, vhane vha vha na dzangaleo kha mimya. Ndi a humbulela, vhahashu, ndi zwavhuđi. Imani u mona. Ndi zwavhuđi. Imani u mona. Kha ri tou zwino . . .

²⁶⁵ Arali mulidzi a tshi nga wana muzika, arali a tshi do ralo, kha ri imbe holwu luimbo, nga u dzika zwino, na vhulenda.

²⁶⁶ A ri khou da kha inwe nganetshelo zwino. A ri khou da kha tshiñwe tshithu tshine tsha vha—vha—vha u tenda ha khole-khole. Fhedzi ri khou da kha Vhuhone ha Mudzimu, ene ramaanda othe Yehova Mudzimu, We a fulufhedziswa, uri, “Hune vhavhili kana vhararu vha kuvhangana nga Dzina Langa, henefho ndi hone vhukati havho.” Ambani Nae vhunga ni tshi nga ralo kha khonani, ni ri, “Murena, ndi khou humbela pfarelo. Ndo tshinya.” Huno ri khou ya u imba.

Hu na Tshisima tsho ḳalaho Malofha,
A bvaho tsingani dla Imanuele,
He vhaítazwivhi vha mbwandamela fhasi ha
 Muḍalo,
Xedza dondo ḥavho ḥoṭhe ḥa mulandu.

Ila mbava i faho yo takalela u vhona
Tshi̠la Tshisima nga ilo ḫuvha;
Hneneho na nne, vhunga ndo tshinya sa ene,
Tanzwa zwivhi zwanga zweṭhe.

U bva zwenezwo nga lutendo ndo vhona ku la
 Kudambo
Zwilonda Zwau zwi phophaho zwi tshi
 nekedza,
Lufuno lu lamulelaho lwo vha theroyanga,
Nahone lu ḫo ralo u swika ndi tshi fa.

²⁶⁷ Itanu vha muṭuku zwino. A ni tshithu. Roṭhe a ri tshithu. Huno nga vhungoho zwino, nga mbilu yanu yoṭhe, itanu kwatamisa mbilu dzaṇu na zwifhatuwo, huṛwe na huṛwe, nga kha tshifhaṭo.

²⁶⁸ Khotsi Ashu wa Ṭadulu, ndi a zwi ḫivha uri Maipfi Au ndi a ngoho. A nga si kundelwe. Ndi Maipfi a Mudzimu. A Mudzimu. Huno Wo ri, “Uyo ane a da kha Nne, Ndi nga si mu pandele na khathihi.” Huno havha vhanna na vhasadzi,

fhasi ha thutuwedzo, vha tshi divha uri a vho ngo luga, vha tshimbilela phanda, madekwana a namusi, Murena, u bula uri vha ya khakha, vha tshi divha uri vho susumedzwa nga iñwe tsutsumedzo ya nga ngomu i—i tshi vha vhidza uri vha de kha Tshisima. Huno hafha vho ima, vha na zwifhatuwo zwo kotamaho na mbilu, u riwa madi a Vhutshilo, nga mahala, ane o fulufhedzisa nga Mudzimu. Vha tanganedze, Khotsi, kha Muvhuso Wau. Ndi Vhau.

²⁶⁹ Iwe wo ri, “A hu na muthu ane a nga da kha Nne nnqani ha musi Khotsi Anga a tshi mu kokodza u thoma. Huno vhothe vhe Khotsi a Nneya vhone vha do da kha Nne.” Huno zwi sumbedza uri Mudzimu o fha havha kha Kristo, kha tshifhiwa tsha lufuno. Huno hafha vha ya ima, Murena. “A hu na muthu ane a nga vha bvisa tshanqani Tshanga.” Huno ndi a rabela, Mudzimu, uri U do vha dzhia madekwana a namusi, vhunga vho ima hafha, vha neye ndovhedzo ya Muya Mukhethwa musi vha hafha kha alitare.

²⁷⁰ Ngavhe maanda mahulu a kristo a tshi dadza matshilo avho zwino! Vho ita u dibula havho. Vha da phanda. Wo ri, “Uyo ane a do bula Nne phanda ha vhathu, na Nne ndi do mu bula phanda ha Khotsi Anga na Vharunwa vhakhethwa.” Ri a zwi divha uri uyo mushumo wo no itwa.

²⁷¹ Zwino, Murena, vha pfunele kha Muvhuso wa pfulufhedziso, wa Muya Mukhethwa. Zwi tendele, Murena. Shela Muya Wau khavho, huno u vha dadze nga Muya wa Mudzimu a tshilaho, uri vha kone u vha vhutanzi vhu tshilaho maduvha othe a vhutshilo havho, kha Muvhuso wa Mudzimu.

²⁷² Zwino vhathetshelesi kha vha ime. Muñwe na muñwe thabeloni zwino. Ri khou ya u rabela uri havha . . .

²⁷³ Zwino, muñwe na muñwe wa vhoiwi ane a da hafha madekwana a namusi, ni tshi pfa uri ni na tshivhi mbilumi yanu, zwino a hu na tshire na nga ita fhedzi u tenda hezwo. Yone Khethwa . . . Ni tanganedza *Hezwi* nga lutendo. Holwu ndi lutendo, lune na tanganedza. Yesu u ri, “A hu na muthu ane a nga da kha Nne nga nda ha musi Khotsi Anga vha tshi mu kokodza u thoma. Huno vhothe vhone vha da kha Nne,” U do vha tanganedza. A nga si ite tshiñwe tshithu-vho, ngauri O zwi fulufhedzisa. Ni a vhona? Ni songo ditika kha zwipfi zwino. Ditikeni nga Ipfi Lawe. Ni a vhona? Ipfi lo amba nga u ralo.

²⁷⁴ “Uyo ane a pfa Maipfi Anga nahone a tenda kha Uyo o Nthumaho, u na,” libula zwino, “Vhutshilo ha tshothe, nahone a nga si de kha Khathulo, fhedzi o tahekanya u bva lufuni u ya Vhtshiloni.” Wone Muya Mukhethwa ndi tshenzhemo tsha u dadzwa na u fhiwa maanda a tshumelo. Fhedzi u bula na u tanganedza Kristo ndi u vha na lutendo na u ita u dibula hanu, na u pfa wo vhofholowa uri Mudzimu o ni hangwela zwivhi zwanu.

²⁷⁵ Huno kha mutheo wa Ipfi Lawe, O ri, “A hu na muthu ane a nga da kha Nne, Ane nda do mu pandela.” Ni a vhona? Zwino,

Mudzimu o ni kokodza, u thoma. "Huno uyo ane a do da kha Nne, ndi nga si Mu pandele na khathihi." Ni a vhona? Ni a vhona? Nono zwi ṭanganedza. Tshithu fhedzi, ni na . . .

²⁷⁶ O—o ni fela. Zwivhi zwañu zwo hangwelwa, miñwaha ya mañana a fumiñha yo fhiraho. Ni tou da zwino u ṭanganedza zwe A ni itela zwone. Ni a vhona? Huno naa ni a tenda uri O fela zwivhi zwañu? Naa ni do Mu ṭanganedza sa tshipfumelelo tshanu? Nga mañwe maipfi, ni a Mu ṭanganedza, vhunga O dzhia zwivhi zwañu.

²⁷⁷ Naa ni nga takala nahone na Mu livhuwa nga u dzhiya zwivhi zwañu? Ni a tenda O ralo? Zwenezwo itanu imisa tshanda tshanu, ni ri, "Ndi a tenda uri U dzhia zwivhi zwanga," amen, "dzhia zwivhi zwanga." Zwo luga.

²⁷⁸ Zwino, ni nkhetheni wa ndovhedzo ya Muya Mukhethwa.

²⁷⁹ Arali ni songo ṭanganedza ndovhedzo ya Tshikriste, vhañwe vha havha vhanna hafha vha do vhona uri, uri ni wane ndovhedzo ya Tshikriste.

²⁸⁰ "Fhedzi zwino musi Petro a tshi kha di amba haya maipfi, phanda ha musi vha tshi lovhedzwa; musi Petro a tshi kha di amba haya maipfi, wone Muya Mukhethwa wa wela khavho." Ndi ngani? Vhothe vho vha vha fhasi ha ndavhelelo. Zwino ni fhasi ha ndavhelelo. Ni khou ṭoda tshiñwe tshithu zwino tshire tsha—tsha do ni pfuñela kha Muvhuso wa Mudzimu, tshiñwe tshithu tshire tsha do vha tsha vhukuma kha inwi. Ni khou ṭoda u—. Naa a ni ṭodi u ṭanganedza Muya Mukhethwa, muñwe na muñwe wa vhoiñwi? Naa a ni u todi? Zwa vhukuma, ni a ralo. Ndi maanda añu a u vhulunga. Ni a vhona?

Vho vha vho kuyhangana lufherani lwa nt̄ha,

Vha tshi rabela Dzinani Lawe, one . . .

Vha lovhedzwa nga Muya Mukhethwa,

Huno maanda a u ita tshumelo a ña.

²⁸¹ Ni a vhona? Oo, ndi zwine na ṭoda zwino. Huno ni nga vha nao, zwa zwino. Ndi añu, zwa zwino.

²⁸² Zwino, vhahashu, idani ngeno. Kha ri, muñwe na muñwe zwino, huno ni vheye zwanda zwañu kha havha vhathu, huno ni rabele uri vha ṭanganedze Muya Mukhethwa. Idani ngeno nt̄ha, vhahashu. Idani ngeno nt̄ha.

²⁸³ Zwino, tshivhidzo tshoñhe, imisani zwanda zwañu zwino, muñwe na muñwe! . . . ? . . .

²⁸⁴ Khotsi Ashu Wañadulu, nga Dzina la Murena Yesu Kristo, dadza mbilu iñwe na iñwe nga ndovhedzo ya Muya Mukhethwa.

²⁸⁵ Ṭanganedzani Muya Mukhethwa. Ṭanganedzani Muya Mukhethwa, havha vhathu hafha vho imaho na u lindela Vhuhone na maanda a Mudzimu u ñadza matshilo avho.



PHALAPHALA I NNEA MUBVUMO U SI NA VHUTANZI TSV63-0114
(A Trumpet Gives An Uncertain Sound)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Musumbuluwo, Phando 14, 1963, kha Khuvhangano ya Vhakrste ngei Phoenix, Arizona, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥhalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org